

晦菴文集

六卷九

内閣文庫		
函	册	號
一〇	六四	三四九二
架	冊	號
漢書類		

内閣文庫		
函	册	號
三五	六四	三四九二
架	冊	號
漢書類		

内閣文庫		
番號	漢	3492
冊數	64	(5)
函號	315	136



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



大德厚林
寶善堂
山正

晦庵先生朱文公集卷第六

淺草文庫

詩
和人游西巖

平生壯志浩無窮老管寒泉亂石中閑去披襟弄清泚靜

來合眼聽玲瓏不知澗寺晴時雨何似溪亭落處風吟罷

君詩自瀟灑此心端不限西東

次知郡章丈遊山之韻

前峰鸞鶴去無蹤邂逅荒尋得故宮但覺風烟隨意好便

驚塵土轉頭空提壺命駕幽期遠授簡哦詩妙處同安得

西山一丸藥共隨簫鼓向雲中

題周氏溪園三首

循澗闢芳園結亭對虛壁澄潭俯幽鑒空翠仰寒滴主人

陳信馬

心事遠妙寄塵壤隔豈為功名期而忘此泉石

溪亭

危亭竹栢間悄悄日幽絕朔風一以厲愛此枝上雪

玄景駛俯歎群芳歇不用此時來那知歲寒節

雪亭

手種籬間樹枝繁不忍刪新亭最佳處勝日共歡顏

春紅淺雨餘寒翠潛光風回巧笑桃李任漫山

嫣然亭

寄林擇之

故人千里寄書來三復塵襟頓豁開勸我從容深燕養莫
將佔畢苦沈埋杖藜此日應同趣揮塵何時得共陪珍重
相期俱努力自慙殊未竭淵才

送林擇之還鄉赴選三首

青驪去路欲駸駸回首猶須話此心一別便成三數月有
疑誰講過誰箴

門外槐花似欲黃高堂應望促歸裝箇中自有超然處

學兒曹一例忙

今朝握手送君歸馬上薰風拂面吹不用丁寧防曲學寒

窓久矣共心期

題林擇之欣木亭

危亭俯清川登覽自晨暮佳哉陽春節看此隔溪樹連林
爭秀發生意各呈露大化本無言此心誰與晤真驪水菽
外一笑和樂孺聊復共徜徉殊形乃同趣

擇之誦所賦擬呂子進元宵詩因用元韻二首

何處元宵好山房入定僧往來衣上月明暗佛前燈實際
徒勞說空華詎可憑還教知此意妙用一時興

何處元宵好寒龕獨寐人月窓同皎皎燈鏡自塵塵靜鑒

陳信寫

通天地潛思妙鬼神却憐迷路子狂走鬧城隍

次韻擇之梧竹二首并呈李通

竹塢深深處檀欒遶舍青暑風成慘淡寒月助清冷客去
空塵榻詩來拓采櫺此君同一笑午夢頓能醒
永日長梧下清陰小院幽自憐風嫋嫋客賦兩瀏瀏作別
今千里相思欲九秋更憐同社友復此誤淹留

擇之寄示深卿唱和烏石南湖佳句輒次元韻三首

未識南湖景遙欣二子遊賞心并勝日妙語逼清秋贖
携書卷相將買釣舟微吟歸去晚杜若滿汀洲
平湖渺空闊積水暮生寒但見綠千頃不知深幾竿人自
元迫隘世路足艱難若了滄洲趣無勞正眼看

年來年去爲誰忙三伏炎蒸忽變涼閱世謾勞心懶
人空得鬢蒼蒼詩篇眼界何終極道學心期未遽央安得
追尋二三子舞雩風月共徜徉

小詩奉送擇之仁友赴漕臺之招後篇喜趙公之
得士而不敢致私怨焉然別懷黯然而不能成章亦
足以見區區也二首

之子論交久深衷兩自知提携方有賴離索遽成悲聖處
應無數書來肯見私臨分莫惆悵努力共心期
珍重東臺老英聲舊所聞能懷吐哺意豈但在書勤得士
看如許持心定不群願言推此志清濁見朋分

擇之賢友歸途左顧示以四明酬唱煥爛盈編三
復味嘆想見聚遊之樂輒用黃山即事之韻賦呈

擇之兼懷子重老兄順之賢友

十年身卧白雲堆。已分黃塵斷往回。不是幽人遺俗去。肯
尋流水渡關來。三秋風月從頭說。千里湖山靚面開。又欲
過逢須一快。豈知勞結倍難裁。

夜聞擇之誦師曾題畫絕句。遐想高致。偶成小詩。
一幅瀟湘不易求。新詩誰遣送閑愁。遙知水遠天長外。更
有離騷極目秋。

次林擴之開善避暑韻二首

炎宮虐焰遍山村。也到蕭蕭柳下門。水玉秋菰那可得。羨
君行處午陰繁。

山齋幾日早塵昏。欲拂朱絃已憚煩。涼意感君持寄我。百
聲花思滿曾存。

送林熙之詩五首

君行往返一千里。過我屏山山下村。濁酒寒燈靜相對。
心直欲到忘言。

仁體難明君所疑。欲求直截轉支離。聖言妙蘊無窮意。涵
泳從容只自知。

天理生生本不窮。要從知覺驗流通。若知體用元無間。始
笑前來說異同。

十年燈火與君同。誰道年來西復東。不學世情雲雨手。從
教人事馬牛風。

舌鏡重磨要古方。眼明偏與日爭光。明明直照吾家路。莫
指并州作故鄉。

春雪用韓昌黎韻同彭應之作

既有陽春曲那無白雪謠連天飛不斷著地煖還銷未
高人戶難齊衲子腰稍開銀世界漸長玉枝條興盡愁
艇行迷認野橋酒腸渾欲凍吟筆爲誰搖殘臘成三白
寒又一朝香隨梅葉落輕伴柳花飄神女羞捐佩鮫人
獻綃東皇應好事避舍亦相饒

次彭應之餐雪韻

雪水淪清茗自謂絕世清終然犯煙火况復勞煎烹豈如
干霽餘探此竹外楹柘漿發甘和寶盃凝寒晶心胃既清
涼齒頰亦鏘鳴吞腥期永謝飲玉希長生

次彭應之魚樂亭韻

亭前活水破輕冰漸見遊鯈候石稜老子自知魚樂處不
須莊惠與同登

與劉德明祝濟之胡子寬晚步偶成

雨罷寒逾勁霜威正凜然不知荒徑濕行到野橋邊
情何極徘徊意莫傳清波涵衆影日落暗晴川

劉德明尹集祝弟以夏雲多奇峰爲韻賦詩戲成

五絕

出山幾何時歸來便長夏端居心不怡散策長林下
爲客厭城市還家辭世紛朝昏何所見但有四山雲
閉門事幽討歲月忽已多客來無可問與君共絃歌
千時本已懶曾况亡奇若問中林趣婆婆祇自知
炎蒸不可柰雲氣滿前峰向夕風吹盡微聞遠寺鐘

仙洲新亭熹名以晝寒紫微張公爲書其額判院

劉丈乃出新句輒次高韻二首

聞說藤蘿外神龍舊所蟠
擘開千丈峽寫盡一襟寒
賞寄三杯酒歸投六尺竿
若無詩律好清絕不成歡

悄悄非人境寒蟬夏已稠
陽崖驚素雪午扇怯清秋
共說新亭好真堪妙墨留
賞心元不厭仙夢肯來遊
時已聞安國之計

次韻畫寒

行穿危磴盡林表見孤亭
澗瀉千尋白峰回四面
青塵襟元落落風腋自泠泠
一醉今何許無心賦獨醒

次判院丈畫寒亭韻有懷平父

把酒懷人處幽尋記往時
新亭勞指顧勝踐闕追隨
為報層欄出莫憂浮柱歎
惟應舊飛雪想象合心知

次判院丈清湍之什

明滅青羅帶周遭碧玉環
孤亭感陳迹茂樹喜重攀
天

翠尊外泉聲枕簟間
詩成無寫處絕壁薜痕斑

遊密菴分韻賦詩得還字

我行得佳友勝日尋名山
春山旣妍秀清溪亦潺湲
行行造禪扉小憇腰脚頑
窮探意未已理策重躋攀
入谷翳蒙密俯澗隨泓灣
誰將百尺綃掛此長林間
雄聲殷地厚洪源瀉天慳
偉哉奇特觀償此一日閑
所恨境過清悄愴暮當還
顧步三嘆息人生何苦艱

遊密菴分韻賦詩得絕字

閩鄉饒奇山仙洲故稱傑
巍然一峰高復與衆山絕
傳聞極目處天水遙明滅
萬里倏往還三光下羅列
我來發孤興徑欲躋巒嶸
病骨竟支離何當攀去轍

次韻宿密菴

陳信寫

忽作經宵別。曾奇莫與陳。暮歸誇得句。寒苦頓生春。道義知無數。文章自有真。它年應共說。此日自由身。

遊密菴

弱齡慕立壑。茲山屢遊盤。朝儕青冥外。暮陟浮雲端。晴嵐染襟裾。水石清肺肝。俯仰未云已。歲月如飛翰。中年塵霧牽。引脰空長歎。曠歲一登歷。心期殊未闌。矧此親友集。笑談有餘歡。結架迫巒嵒。徒倚臨奔湍。共惜前古秘。今爲後來觀。落景麗雲木。回風馥秋蘭。林昏景益佳。悵然撫歸轡。諒哉故山好。莫遣茲盟寒。

游畫寒以茂林脩竹清流激湍分韻賦詩得竹字
仙洲幾千仞。下有雲一谷。道入何年來。借地結茅屋。想應厭塵網。寄此媚幽獨。架亭俯清湍。開徑玩飛瀑。交游得

勝。遠往有篇牘。稜屨或鼎來。共此巖下宿。夜燈照奇語。策散游目。茗椀共甘寒。蘭臯薦清馥。至今壁間字。來者必三讀。再拜仰高山。懽然心神肅。我生雖已後。久此寄齋粥。孤興屢呻吟。群遊幾追逐。十年落塵土。尚幸不遠復。新涼有佳期。幾日戒征軸。宵興出門去。急雨遍原陸。入谷尚輕埃。解裘已銀竹。虛空一瞻望。遠思翻蹙蹙。袒跣亟躋攀。冠巾如膏沐。雲泉增舊觀。怒響震寒木。深尋得新賞。一簣今再覆。同來况才彥。行酒屢更僕。從容出妙句。珠貝爛盈掬。後生更疊疊。俊語非碌碌。吾纓不復洗。已失塵萬斛。所恨老無奇。十毫真浪禿。

聞季通德明諸友入山以詩迎之仍請先往觀瀑

布

勝友南窓底看書老歲華不因寒瀑響肯到野僧家古徑
開能久新亭去豈賒躋攀那可緩寂寞有雄夸

次觀瀑布韻

快瀉蒼崖一道泉白龍飛下鬱籃天空山有此真奇觀倚
杖來看思凜然

和季通畫寒韻

萬壑爭流處千年樹石幽危亭因我作勝日爲君留酒笑
紅裙醉詩慙雜珮酬尚嫌心境窄更約九垓游

次韻謁忠顯劉公墓下

理亂由來今古同覆車那肯戒前蹤紛紛誤國人無數不
昧丹心獨此公

次季通畫寒亭韻二首

不信高懷與世殊清游試問與誰俱相將靜聽溝澗水

滌塵襟肯自污

山行前後有光輝撲撲浮嵐翠染衣直到仙洲奇絕處畫
寒亭下玉龍飛

飲清湍亭石上小醉再登畫寒

水邊今日共傳杯多謝殷勤數子來三伏炎蒸那有此百
年懷抱頓能開雲山合匪還生霧雪澗崩騰怒吼雷却恨
蒼屏遮遠目凌風直欲跨蓬萊

次清湍亭韻二首

上下青山今白頭穿雲入塢未能休因君去覓仙洲路却
嘆周南獨滯留

仄徑穿林欲造天未妨停策聽涓涓知君便有刀頭意莫

忘仙洲澗底泉

立春大雪邀劉圭甫諸兄遊天湖

同雲被四野寒氣慘悲涼。回風一以定密雪來飄揚。時當
冬候窮開歲五日彊蓬巷無與適陟此瓊臺岡賓友既追
隨兒童亦携將攀躋得冢頂徙倚聊彷徨俯視千里空仰
看萬鶴翔遠迷亂峰翠近失平林蒼偃薄瑩神骨咀嚙清
肝腸朗詠招隱作悲吟黃竹章古人不可見來者誰能量
且復記茲日他年亦難忘

次圭父游將軍巖韻二首

極目危岑杳靄間誰將層棟壓巔岼瘦筇上上莫辭遠絕
境行行得細觀簪井尚餘茅經處考槃無復碩人寬倦
拂石支拳睡萬壑吟風午夢闌

真成俯仰間回頭猶認碧巔岼更煩地主殷勤煮

盡雲山表裏觀景晏共愁歸路遠年侵獨負酒盃寬明朝
覓句酬珠玉刺喜詩情却未闌

圭父約為金斗之遊次韻獻疑聊發一笑

幾日春風未破寒遠峰晴露玉巔岼不成蠟屐携筇去且
復鈎窓拄頰觀聞道追遊當作意故應期日尚能寬陰崖
凍合無垂練却恐詩翁興易闌

次彥集經營別墅之作

回北成南指顧間要令華敞對巔岼家山信有千巖擁
堂見武雲月何妨兩處觀傑閣已資隣築勝熹近蒙知府
撥賜舊第樓
新基還見繚墻寬老仙鶴骨殊蕭爽歸興從今豈易闌
齊集圭父擇之同飲白雲精舍以醉酒飽德為韻

素分得飽字醉中走筆奉呈
奔趨名利場禍福急相絞夜窓一反側膚垢紛兩爪豈知
親朋集晚食聊一飽心期共悠悠文字各稍稍華燭既屢
更詩腸亦頻攪寒更儘渠深派諷寧至卯

次劉圭甫和人梅花韻

意行欲遍江村路恰到詩人斷魂處梅花未肯笑春風
草何須怨零露歸來四壁無餘聲俯檻祇有寒塘青美人
邂逅一笑粲倒影的皜踈枝橫寸心久矣遺紛雜不但老
禪齋夏臘此時恨恨欲何言本根落落幾難合走遍諸君
詩卷中西湖東閣病還同劃然長笑驚夢破碧雲散盡山
叢叢平公有攀條醉藥繞千回日暮碧雲驚四合之句故云
奉酬圭父末利之作

玉蕊琅玕樹天香知見薰露寒清透骨風定遠含芬
銷繁暑高情謝曉雲遙憐河朔飲那得醉時聞

奉酬圭父白蓮之作

忽傳夔府句并送遠公蓮翠蓋臨風迫冰華浥露鮮舞衣
清縞袂倒景爛珠躔想象芙蓉闕冥冥絕世緣

次圭父觀魚韻

平生三伏斷追遊誰喚來穿澗樹幽初訝網橫天影破忽
驚人蹴浪花浮鳴榔不用齊吳榜鼓柁何須學楚謳便有
金盤堆白雪却憐清泚向東流

奉同黃子厚賦白芙蓉呈劉彥集平父

湛湛曲池水曉含風露清田田綠羅蓋粲粲白玉英澹然
絕世姿不與穠艷并俯鑿冰雪影詎懷兒女情山中徒淹

陳信寫

留堂下空自成。獨有忘機客相看。兩無營。

觀洪遵雙陸譜有感呈劉平甫范仲宣二兄

近從新譜識臬廬。擬喚安陽舊博徒。只恐分陰閑過了更

教人誚牧猪奴。陶桓公嘗語人曰。大禹聖者。乃惜寸陰。至於時。死無聞於後。是自棄也。諸參佐或以談戲廢事。乃命取其酒器蒲博之具。悉投之江。吏將則加鞭。朴曰。博猪者。牧猪奴。賤耳。君子當正其衣冠。攝其威儀。何有蓬頭跣足。自謂宏達耶。

次劉彥集木犀韻三首

衆芳搖落九秋期。橫出天香第一枝。莫似寒梅太孤絕。更

交遙夜笛中吹。

仙衣纔試鬱金黃。便覺秋風滿院芳。定觀極知先透。幾

心豈是故迎將。

秋到寒巖桂樹叢。小山吟罷思悲翁。不妨更作滄海客。

取人間十里風

寄謝劉彥集菖蒲之貺二首

君家蘭杜久萋萋。近養菖蒲綠未齊。乞與幽人伴岑寂。小

窓風露日低迷。

泉清石瘦碧纖長。秋露懸珠炯夜光。箇裏無窮閑造化。別

來誰與共平章。

公濟惠山蔬四種并以往篇來貺因次其韻

蕓

靈草生何許。風泉古澗傍。褰裳勤采擷。枝筍噀芳香。冷入

玄根。闕春歸翠頰長。遙知拈起處。全體露真常。

芹

晚食寧論肉。知君薄世榮。瓊田何日種。玉本一時生。白鶴

今休誤青泥舊得名。收單還灸背北關。儻關情時公濟試禮部

筍

新筍因君寄康廬。入夢中丹无餘。故宅翠竹尚餘風。日日

來威鳳。年年饌籜龍。猶嫌有兼味。不似一源功。廬山簡寂

脩靜之所。君從遠法師。蓮社之遊。賜號丹元先生。觀有紺苦筍。今者所惠。乃紺筍也。

蕨

西山採蕨入蓬首。尚傾國懷哉。遠莫致引。眩氣已塞。頃筵忽墮。前此意豈易得。良遇不可遲。結筵有餘力。

題吳公濟風泉亭

澗谷居永久。高情未云酬。茲焉發天祕。始造寒巖幽。上可茂樹陰。下有清泉流。結亭倚蒼峭。鑿磴窮嵌立。翠壁自立。青籜亦環周。竭來憇永夏。凜若臨清秋。仰空韻

鐙琳璆。幽聽一以會。悠然與神謀。遐哉超世心。暇

憂笑問車馬客。誰能淹此留。

再題吳公濟風泉亭

華林翠澗響風泉。竟日閑來石上眠。更結危亭俯幽聽。未妨長作地行仙。

奉和公濟元留周賓之句 丙申九月

端居感時序。駕言誰適從。聊携二三子。杖屨此日同。悠哉素心入。宴坐空巖中。真成三秋別。夢想情何窮。行行岱崇岡。引睨希高風。忽然兩相值。俯仰迷西東。鱸堂偶休閒。雞黍聊從容。不辭腰脚勞。共上西南峰。佩萸笑長秀。把菊追陶公。遐觀衆山迥。一酌千慮融。興罷復來歸。杳靄秋堂空。窺樽訖餘瀝。倚闌聞疎鐘。主人意未闌。驪駒勿忽忽。

寄吳公濟兼簡李伯諫五首

客子歸來春未深，祇應寒雨罷登臨。閑窓竟日焚香坐，一段孤明見此心。

三徑莓苔晝掩關，君來問道却空還。從今蠟屐應無恙，有興何妨再入山。

盤翁別去久無書，可復因循自作踈。珍重寄聲煩問訊，箇中消息定何如。

繁絃急筦盛流傳，清廟遺音久絕絃。欲識寥寥千古意，莫將新語勘塵編。謂鹽官中庸

憶昔殊方久滯淫，年深歸路始駸駸。傍人欲問箏歌樂，誰義誰知悅我心。

公濟和詩見閔耽書勉以教外之樂以詩請用二

首

玄理無言絕淺深，塵塵剝剝不相侵。如云教外傳真的，却是瞿曇有兩心。

未必瞿曇有兩心，莫將此意攪儒林。欲知陋巷憂時樂，只向韋編絕處尋。

伯諫和詩云邪色哇聲方漫漫，是中正氣愈駸駸。予謂此乃聖人從心之妙，三歎成詩，重以問彼二

首

任從耳畔妍聲過，特地胷中順氣萌。箇裏詎容思勉得，羨君一躍了平生。

關里當年語從心，至今蹤跡尚難尋。况君直至無心處，肯向人前話淺深。

游百文山以徙倚弄雲泉分韻賦詩得雲字
執熱倦煩踰駕言起宵分隨川踏曉月度嶺披朝雲攀緣
白石梯拂拭蒼蘚紋噴薄驚快覲琮瑋喜先聞竒哉此積
廬眇然隔塵氛諸公肯同來定非俗子群永日坐清樾短
章策竒勳慨然念疇昔聯裾已荒墳中路忘聲折寸心謾
絲禁惟應泉石願三生有餘薰茲游獲重尋十載心氣
他年訪舊躅山靈莫移文

百文山六詠

石磴

層崖俯深幽微逕忽中斷努力一躋攀前行有竒觀

小澗

兩崖交翠陰一水自清瀉俯仰契幽情神襟頓飄洒

山門

置屋兩山間巧當竒絕處峽束百泉傾澗激回風變

石臺

出谷轉石稜俯身窺木末夕眺嵐翠分朝躋雲海濶

西閣

借此雲窓眠靜夜心獨苦安得枕下泉去作人間雨

瀑布

巔崖出飛泉百尺散風雨空質麗晴暉龍鸞共掀舞

游蘆峰分韻得盡字

蘆山一何高上上不可盡我行獨忘疲泉石有招引須臾
出蒙密矯首眺無畛已謂極崢嶸仰視猶隱嶙新齋小水
憇餘力更勉龜東峰切霄漢首夏正淒緊杖策同攀躋

目散幽窞萬里俯連環千重瞰孤隼因知平生懷未與塵
慮泯歸塗采薇蕨晚餉雜蔬筍笑謂同來人此願天所允
獨往會淹留寒棲井菌蠹山阿子慕予無憂勒回軫

同丘子服游蘆峰以嶺上多白雲分韻賦詩得白
字

登巖出囂塵入谷媚泉石悠然愜幽趣不覺幾朝夕高
倦冢頂舊賞歎陳迹仰慙仙人杖俯愧謝公屐昨日吾
來勇往意無斁今晨尊食罷千仞一咫尺心期未究竟
界已開闢浮野無麓青縈雲兩川白須臾互吞吐變化已
今昔曠若塵慮空悲哉入境窄平生有孤念萬里思
感此復冲然胡為尚形役

登蘆峰

行到蘆峰最上頭幾回振策又還休因君好句拚孤
恨雲烟未肯收

將游雲谷約同行者

躋險擇幽棲寨蘿結茅屋疏泉下石潭種樹消煙谷時登
北原上一騁千里目雲物下逶迤岡巒遠重複暫辭忽曠
歲再往恨牽俗因悲昨游侶或在鬼錄前年旣喧風悟
新陽一雨欣衆綠明發君莫遲幽期我當卜

九月六日早發潭溪夜登雲谷翌日賦此

懷山不能寐中宵命行軒亭午息畏景薄暮登危巒峻極
踰百磴縈紆欲千盤行行遂曛黑月落天風寒羽人候中
塗良朋集林端問我何所迫而嘗茲險艱疲勞旣云極飢
渴不能言投棗卧中丘幸此一室寬怒號竟永夕客枕無

時安旦起關幽戶竹樹青檀樂驚喜非昔覩披尋得新觀
淹留十日期俯仰有餘歡寄語後來子勿辭行路難

雲谷二十六詠

雲谷

寒雲無四時散漫此山谷幸之霖雨姿何妨媚幽獨

南澗

危石下崢嶸高林上蒼翠中有橫飛泉崩奔雜奇麗

瀑布

峰回危逕轉垂練忽千尋不為登山倦躑躅秋澗陰

雲關

白雲去復還黃塵到難入只有澗水聲出關流更急

蓮沼

碎亭玉芙蓉迥立映澄碧只愁山月明照作寒露滴

杉逕

南起雲關口縈紆上草堂天風發清籟山月度寒光

雲莊

小丘橫翠几層嶂復嗟峨釋未閑來看巖姿此處多

泉峽

入關但平田復此得清響何必問真源神襟一蕭爽

石池

兩岸蒼峭石護此碧泓寒秋月來窺影驪珠吐玉盤

山楹

山楹一悵望恨此雲迷谷仙人不可期縹緲雙髻綠

藥圃

長鑱斲靈根時此泉下圃珍劑未須論丹莖已堪煮

并泉

山高澤氣通石竇飛靈液默料谷中雲多應從此出

西寮

畝田種胡麻結草寄林樾珍重無心人寒棲弄明月

晦菴

憶昔屏山翁示我一言教自信久未能巖棲冀微效

草廬

青山繞蓬廬白雲障幽戶辛歲聊自娛時人莫留顧

懷仙

西望多奇峰北瞰獨仙府欲致武夷君石壇羅桂醕

揮手

一揮手從此斷將迎不見塵中事惟聞打石聲

雲社

自作山中人即與雲為友一嘯雨紛紛無勞三奠酒

桃蹊

澗裏春泉響種桃泉上頭爛紅紛委地未肯出山流

竹塢

清簫桃蹊北蕭摻竹塢深不堪秋夜末風雨助悲吟

漆園

舊聞南華仙作吏漆園裏應悟見割憂嗒然空隱几

茶坂

携簾北嶺西采擷供茗飲一啜夜窓寒跣趺謝衾枕

絕頂

當年赫曦臺移治在茲嶺寥廓無四隣三光疑倒影

北澗

土斷川亦分北下成陰澗秀石得佳名服膺吾敢慢仁義

中溪

南下東嶺阿云是中溪道巖樹愛樛枝石田悲蔓草

休菴

別嶺有精廬林巒亦幽絕無事一往來茶瓜不須設

雲谷雜詩十二首

登山

夕陽翳東峰微月下西嶺不辭青鞋穿陟此巖路求永且躋中情何耿耿

值風

山下風吹衣山上風拔木茅茨何足保瀛海執壺入無心還自恣見易傳

翫月

風起雲氣昏風定天宇肅遙遙萬里暉炯炯穿我屋良友共徘徊山中詎幽獨

謝客

野人載酒來農談日西夕此意良已勤感歎清何極歸去莫頻來林深山路黑

勞農

四體久不勤筋力坐驚緩何事兩山阿離離豆苗滿多謝植杖翁居然見長短

講道

高居遠塵雜崇論探杳冥疊疊玄運馭林林群動爭天道
固如此吾生安得寧

懷人

吾黨二三子欲來從我遊塵機諒擾擾遐諾終悠悠空山
日復晚佇立悵夷猶子厚伯崇有約不至

倦遊

故人千里別約我仍丹丘云何一解散書到令人愁此山
豈不幽何必賦遠遊時得伯崇書報罷天台之遊

修書

紉書厭塵累執簡投雲關靈鑰啓玄秘肅斧鋤幽莫示人留置此山間

宴坐

登山思無窮臨水心未厭沈痾何當平膏肓今自斲默坐
秋堂空遐觀靡餘念

下山

行隨流水聲步出哀壑底綠樹枝相摻白澗石蔭蔭樹石
無窮年流水日千里

還家

出去柴門掩歸來蕙草秋素苓林下吐清芬衣上浮欲寄
山中友日暮悵離憂

雲谷合記事目效俳體戲作三詩寄李通

雲關須早築基趾要堅牢栽竹行教密穿池岸欲高乘春
移菡萏帶雪覓蕭椽謂杉徑也更向關門外疏泉斬亂蒿

堂成今六載。上雨復旁風。逐急添節蓋。連忙畢土功。謂桂下
傳桂林何日秀。蘭筵幾時通。并築雙臺子。東山接水筒。
莊舍宜先立。山楹却漸營。泉疏藥圃潤。堰起石池清。早印
荒田契。仍標別戶名。想應頻檢校。祇恐欠方兄。

雲谷懷魏元履

歎息良齋老。當年共此來。千峰竒絕處。一望興悠哉。病怯
披雲卧。詩勞擁鼻裁。祇今何處所。宿草闕餘哀。

送許順之南歸二首

門前三逕長蒿萊。愧子殷勤千里來。校罷遺書却歸去。此
心元自不曾灰。

幾年江海事幽尋。徧與雲僧話此心。今日肯來論舊學。
寒猶恐雪霜侵。

宿雲際寺許順之將別以詩求教次韻

薄暮投花縣。聯車入翠微。長林生缺日。永夜照寒扉。情話
欣無斃。離懷悵有違。勉哉彊毅力。千里要同歸。

挽江端明三首

聖主興炎運。明公起妙年。材推漢庭右。學自北方傳。出入
丹心壯。安危素髮鮮。空餘題劍在。光燭舊林泉。
曠宇元無際。孤標自不群。物情良有寄。讒口詎堪聞。未許
時明政。猶堪史闕文。衣冠忽長夜。餘子謾紛紛。
先友當年盛。斯文元祐徒。艱虞共流落。存沒半嗚呼。顧我
真無賴。逢公幸不孤。祇今還一慟。即此是窮塗。

羣集奉檄歸省。示及佳篇。次韻奉酬。呈諸兄友。
游子思親久。聚糧不堪官。裏簿書忙。平生况少。鷹鷂意。此

日尤慙時世粧。臘雪未消歡奉檄。春風初轉喜還鄉。上堂
佳慶從容問一罇。何妨累十觴。

孝集兄再適臨汀惠顧蓬萊賦詩留別卷予良對
次韻祖行言不盡意

賸喜君才老更成。伊優叢裏見孤撐。官身未免心徒壯。
膝頓違淚欲橫。簿領不嫌春筍束。廉聲要比玉壺清。枉車
投翰殷勤甚。安得仁言與贈行。

圭父爲孝集置酒白蓮沼上孝集有詩因次其韻
呈坐上諸友

大阮歸來客滿堂。更移芳席近回塘。共憐的皪水花淨。
倚離披風蓋涼。銀筆看題青玉案。佳人悵望碧雲鄉。此時
此景真愁絕。病著無因爲舉觴。

寄題宜春使君定叟張兄隱齋

大專槃萬生異體。實同氣云胡分彼已。直以私自蔽。
君家桂林伯德學。妙一世閉戶不忘憂。纓冠矧行義。
眷言介弟賢。四益謹先昇。千里各分符。一心同盡瘁。
遠題齋戶冊。來表棲息地。系述寫心胷。俯仰資惕厲。
陽嘉旣滌蕩。陰慝失封閉。介然彼苛癢。赫若我黥劓。
拊摩極哀恫。征取敢常藝。戰兢一日力。洋溢四封被。
君看物我間。隱顯豈殊致。願反振民功。更懋根本計。

次韻題平父兄重建一枝堂

畫戟朱門枕碧山。貂蟬元自出儒冠。更餘此日林間樂。遠
繼當年膝下歡。命駕賓朋千里近。放懷琴酒百憂寬。遺編
却好傳孫子。莫遣因循學宴安。

日用自警示平父

圓融無際大無餘，即此身心是太虛。不向用時勤猛省，却於何處味真腴。尋常應對尤須謹，造次施為更莫踈。一日洞然無別體，方知不在費功夫。

抄二南寄平父因題此詩

闕里言詩得賜商，子貢千秋誰復與相望。鄒汾孟子文新簡光前載，關洛張子新書襲舊芳。折句分章功自少，吟風弄月興何長。從容咏嘆無今古，此樂從茲樂未央。

題劉平甫定菴五詠

定菴

風生長林悲雲起，空谷暝下有不死人。一室常在定

巢雲

夫山何所見，雲樹春濛濛。安知巢居子，避世於

山臺

林居厭棲迷，山頂幸清曠。無事一登臨，却愁心浩蕩。

井泉

開山昔何人，鑿此寒泉井。獨夜漱瓊瑤，冷然發深省。

壽穴

百年不可期，一壑當預卜。自憐木偶人，空羨玉官谷。

劉平甫席上分韻得寫字

歲暮風雨交流雲，暗平野。公子燕華烟，招呼及同社。高情寄壺觴，晤語到風雅。剪燭夜堂深，幽懷共輸寫。此詩恐當作一

劉平甫分惠水榭小詩為謝二首

年來衰懶罷書淫。偶向盆山寄此心。何事涼陰老居士。便分幽賞助清吟。

何處飛來簷蔔林。老枝樛屈更蕭慘。淒涼杜老江頭句。坐對行吟得自箴。

少陵江頭五詠於施子詩云於身色有用與道氣傷和

和喜雨二絕

雨師誰遣送餘春。珍重天公惠我民。且看歡顏垂白叟。莫愁頰頰踏青人。

愁頰頰踏青人

黃昏一雨到天明。夢裏豐年有頌聲。起望平疇烟草綠。只今投筆事農耕。

今投筆事農耕

和章國華祈雨呈平父諸兄三首

極目平疇半欲枯。遙知精禱意無餘。更憐不待豚蹄况

得亦那暗滿車

九日於夜仰昭回。早魁知從何處來。不是幽人祈得雨。只

願丹詔走風雷

晴窓揮汗苦驕陽。雨檻披衣快晚涼。多謝龍公餘事業。為

驅寒谷變炎方

山館諸兄共賦驟雨鷺鷥二絕

平疇焦渴不堪論。簫鼓悲秋徹帝閭。霹靂一聲雲自墨。山

前山後雨翻盆

雨罷微塘凜欲秋。飛來白鳥便夷猶。從今認得橫塘路。水

遠天長百不憂

唐石雪中

春風欲動客辭家。霖潦縱橫路轉賒。行到溪山愁絕處。千

林一夜玉成花

秋日同廖子晦劉淳叟方伯休劉彥集登天湖下
飲泉石軒以山水含清暉分韻賦詩得清字

閒居寡儔侶掩關抱孤清良交倏來止曠然舒我情矧此

涼秋初暑退裳衣輕相與一携手東山眇遐征前穿林

幽俯瞰川原平降集崖寺古徘徊濁醪傾長吟伐木篇

鱗亦相驚願結沮溺耦窮年此巖耕

淳熙戊戌七月二十九日與子晦純叟伯休同登
屏山西登雲谷越夕乃至而李通德功亦自山北

來會賦詩記事以雲卧衣裳冷分韻賦詩得冷字

端英得幽貞考槃寄茲嶺未成長往計抱恨中耿耿秋風

吹庭樹透夜枕席冷感彼歲序移慨此心事永明晨發

興趣駕向絕境躋攀力雖倦想象意逾騁雲山一以

倒景檢校石田收眷戀茅屋靜淹留復未遂外
張那珍重同來人妙語各清整擊節三嘆餘超然得深

宿黃沙以山如翠浪湧分韻賦詩得如字

日中秣吾馬日暮膏吾車崎嶇涉南嶺浩蕩凌八嶇夜雨

薦峰前朝登碧琳瑯蒼茫來歎罷翕忽清景徂去此二三

子我行將焉如崔嵬正立埕萬里思南圖

雲谷次吳公濟韻

昔營此幽棲邈與世相絕誓將百年身來守固窮節心期

苦未遂歲月一何闊終然匹夫志肯遽耳沒沒茲晨復登

瞰目盡雲一抹激烈未甯餘朗寥高韻發夫君內德備不

學王駘兀觀心見參倚出世自英傑竭來肯顧我同去弄

雲月微言得深扣大句亦孤拔多謝警踈慵未敢嘆瞻忽

更問毫釐間是同端是別

宿休菴用德功壁間韻贈陳道人

暮入千峰裏寒樓一草菴
室連丹竈煖厨引石泉
井塵屢紛難到神光暖
內含非君有道氣孤絕
詎能堪

挽劉樞密三首

天昇經綸業家傳忠義心
謀謨經國遠勲烈到入深
瘴風雲斷江湖歲月侵
一朝成殄瘁九牧共沾襟
談笑平蠻策焦勞振廩功
復讐乖宿志忍死罄餘忠
人盡百身贖天憇一鑑空
九原終莫起千載自英風
矣矣身無用前恩嘆莫償
豈期今老大復此重悲傷
遺書盡心隨宿草荒
諸君那不死慟絕鬢成霜

武夷七詠

天柱峰

屹然天一柱雄鎮幹維東
祇說乾坤大誰知立極功

洞天

絕壁上千尋隱約巖栖處
笙鶴去不還人間自今古

畫鶴

誰寫青田質高超鴈鴛群
長疑風月夜清唳九霄聞

仰高堂

面勢來空翠我詩獨好仁
懷人今已矣誰遣棟梁新

此堂與迎綠亭皆劉建康所名禮記引高山仰止景行行止之詩而曰詩之好仁如此

趨真亭

危亭久已傾祇有頽基在
何事往來人不知容鬢改

大小藏巖

藏室岌相望塵編何莽鹵欲問伯陽翁風煙迷處所

丹竈

仙人推卦節煉火守金丹一上煙霄路千年亦不還

壬子三月二十七日聞迅雷有感

誰將神斧破頑陰地裂山開鬼失林我願君王法天造早

施雄斷答群心

性德

仁義禮智性之四德又添信字謂之五性如何曰信是誠實
此四者實有是仁實有是義禮智皆然如五行之有土非土
不足以載四者

梅庵先生朱文公文集卷第六

考異

和人游西巖

澗寺

澗一作樹

題周氏溪園三首

一首無後

次韻梧竹

檀欒

一作團欒

慘淡

一作慘澹

次開善避暑韻

花思滿胃存

一作花氣

送林熙之

妙緼

一作妙蓄

只自

一作自

若知體用元無

間一作若明體用真無間

晚步偶成

雨罷寒逾勁

一作雨歌

暗晴川

一作澄鮮

和晝寒韻

爭流

一作陳

樹右

一作謝石

謁劉公墓

誤國

一作迷國

此公

一作我公

欲彙集別墅

信有

一倍有

次和人梅花韻

本根

一本頽

薄 芳香芬一作香 翠穎秀穎一作穎

芹 牧單收一作功

筍 籜龍伏一作龍

寄吳公濟 客子投一作綬 祇應祇一作因 罷登倦一作登

從今只一作今 寄聲寄一作音 年深年一作末 欲問若一作問

游百丈山 隨川隨一作風

石臺 出谷山一作谷 兩川滿一作川

同立子服游蘆峰

杉逕 南起晨一作起

桃溪 裏春東一作春 絕頂 移治在茲嶺一作移來

休菴 林巒林一作澗

仙風 山上山一作宇

謝客 酒來酒一作至 頻來煩一作來

修書 雲關靈一作關 定菴山臺 林居林一作中

雲谷次吳公濟韻 觀心見參倚極一作秉心 世自世一作有

更問且一作問

詩庵先生朱文公文集卷第七

詩

崇壽客舍夜聞子規得三絕句寫呈平父兄煩為
轉寄亦集兄及兩縣間諸親友

空山初夜子規鳴靜對琴書百慮清喚得形神兩超越不
知底是斷腸聲

空山中夜子規啼病怯餘寒覓故衣不為明時堪眷戀
知歧路不如歸

空山後夜子規號斗轉星移月尚高夢裏不知歸未得已
驅黃犢度寒臯

寄雲谷瑞泉菴主

憶昔誅茅日山房我自名風埃猶俗累煙雨負巖耕多謝

陳信鳴

空門侶能同物外情。肯來分半壑。聊爾度平生。少待清秋日。閑尋遠嶽盟。不知誰是客。一笑絕塵纓。

入南康界閱圖經。感陶公李渤劉凝之事。戲作。

長官定笑歸來晚。中允應嫌去却回。惟有山人莫相笑也。曾還俗做官來。

屢游廬阜欲賦一篇而不能就。六月中休董役。卧

龍偶成此詩。

登車闔嶺傲息駕。康山陽康山高不極。連峰鬱蒼蒼。金輪西嗟峨。五老東昂藏。想象仙聖集。似聞笙鶴翔。林谷下淒迷。雲關杳相望。千巖雖競秀。二勝終莫量。仰瞻銀河翻。俯看交龍驤。長吟謫仙句。和以玉局章。疇昔勞憂思。茲今幸徜徉。尚恨黍符竹。未恆棲雲房。已尋兩峰間。結屋依陽岡。

上有飛瀑駛。下有清流長。循名協心期。弔古增悲涼。壯歲乏奇節。頽年矧昏荒。誓將塵土蹤。暫寄雲水鄉。封章儻從欲。歸哉澡滄浪。

讀李賓老玉澗詩偶成

獨抱瑤琴過玉溪。琅然清夜月明時。祇今已是無心久。却怕山前荷篋知。

立秋日同子澄寺簿及僉判教授二同寮星子令尹約周君段君同遊三峽過山房登折桂分韻賦詩得萬字。輒成十韻呈諸同遊。

抗塵幾何時。猿鶴共悲怨。豈知朱墨暇。乃適山水願。茲晨秋令初。休沐謹邦憲。佳賓忽四來。英僚亦三勸。駕言北郭門。謝此旗隼建。散目山崔嵬。縱轡路脩蔓。凭欄快倒峽。躋

壑困脫輓，追攀林樾深。懽喜脚力健，登高眺遠浦。衆景爭自獻，何必仍丹丘。徑欲凌九萬。

和子澄白鹿之句

經旬不到鹿場陰，夢想飛馳不自禁。幸有高軒同勝賞，何妨折屐共幽尋。徘徊未厭詩書樂，感慨難忘忠孝心。更對豐鐫哦伐木，風泉雲壑助清吟。

暇日待法曹叔父陪諸名勝爲落星之遊分韻得往字率爾賦呈聊發一笑

長江西委輸，匯澤東滉漾。中川屹孤嶼，佛屋寄幽賞。我來此何日，秋氣欲蕭爽。共載得高儔，良晨豈孤往。酒酣清獻發浪湧，初月上。疊鼓喚歸艖，陳迹真俯仰。

九日奉陪高州史君蒲陽別駕會稽丞公善化

府中衡詩伯，并屈子。美无範二兄，及郡中諸文武。同登紫霄絕頂，南望江湖北。眺淮甸少快心，目既歸又得仲衡佳篇。句法清麗，情致悽惋。三復不勝起予之歎。謹次韻呈請皆賦之以紀一時之盛。甚惠甚望。

此日登高處，千巖錦樹稠。無人嘲落帽，有客賦悲秋。忽忽塵中老，忽忽物外遊。江湖空極目，不盡古今愁。

下元節假行視陂塘，因與賓交挈兒甥出郭登山歸賦二詩示子直春卿及折桂雲谷并寫呈郡中諸寮友

廬阜東北際，岌嶷五峰尊。中巖穹林繞，青天白雲屯。郡閣有佳眺，徙倚空朝昏。今晨幸休暇，發軔北郭門。牽蘿出林

端躡履躋雲根高尋却深宦小憇欣潺湲古殿宿寒靄新
薨麗朝噉扶藜陟東岡夙昔規曾軒却倚千尋峭前窺百
泉奔長風卷浮埃江湖渺相吞結架雖未諧雄壤已難論
同來俱勝流晤語仍王孫已踐支許諾不慙夙尚寬賦詩
紀茲日歲晚期相敦

卧龍之遊得秋字賦詩紀事呈同遊諸名勝聊發
一笑

躡石度急澗窮源得靈湫谿訝兩對立噴薄中怒投何年
避人世結屋棲巖陬嘉名信有託故迹誰能求我來一經
行淒其仰前脩鄰翁識此意伐木南山幽爲我立精舍開
軒俯清流多岐諒匪安一壑真良謀解組云未遂驅車且
來遊嘉賓頗蟬聯野藪更獻酬飲罷不知晚欲去還淹留

已別峰窺臨忽滄洲下集西澗底沉吟樹相樛玉樹
名飲餘三峽空尊愁懷賢旣伊鬱感事增綢繆前旌向城
郭回首千峰秋

卧龍之遊錢通守得江字不及賦詩已解維矣
用其韻紀事以贈并附卷末

君行安所適衝風泝濤江傳聞閩州好未見心已降邀君
康山遊聽此巨壑淙班坐酌溪石幽尋憇雲窓勸君盡此
杯錦帆已稠杠明年僕來東鳴鏡建高幢訪我深澗底晤
言絕紛籠城南且細說慰我心恹恹

分韻得眠意二字賦醉石簡寂各一篇呈同遊諸
兄

驅車何所適往至秋雲邊企彼澗中石舉觴酌飛泉懷哉

千載人矯首辭世喧。淒涼義熙後日醉。向此眠。仰視但青
冥。俯聽驚潺湲。起坐三太息。涕泗如奔川。神馳北闕陰。思
屬東海壖。丹衷竟莫展。素節空復全。低徊萬古情。惻愴頽
公篇。爲君結茅屋。歲暮當來還。醉石

天秋山氣深。日落林景翠。亦知後騎迫。且復一流憇。環瞻
峰列屏。迴矚泉下漣。永懷仙陸子。久挹淨立袂。于今知幾
載。故宇日荒廢。空餘醮壇石。香火誰復繼。更憐韋刺史。五
字有真意。虎竹付歸人。悲風起橫吹。沉吟向絕迹。浩蕩發
幽寄。來者知爲誰。念我儻三喟。簡寂

尋白鹿洞故址愛其幽邃議復興建感歎有作

清冷寒澗水。窈窕青山阿。昔賢有幽尚。眷言此婆娑。事往
今幾時。高軒絕來過。學館空廢址。鳴絃息遺歌。我來勸相

餘杖策。塞綠蘿。謀野欣有獲。披圖知匪訛。永懷當年盛華
平。矜佩多博約。感明恩。涵濡熙泰和。淒涼忽荒榛。俯仰驚
頽波。發教逮綱紀。喟然心靡它。伐木循陰岡。結屋依陽坡。
一朝謝塵濁。歸哉碩人邁。時已疏上尚書乞洞主矣

遊白鹿洞真得謝字賦呈无範伯起之才二兄并

示諸同遊者

歲月有環周。窮臘忽受謝。眷眷山水心。幸此朱墨暇。招呼
得良友。邂逅成夙駕。深尋故轍迹。喜見新結架。永懷拾遺
公。藏器此待價。橫流詩書澤。下及揚李霸。炎神撫輿運。制
作流大化。石室萬卷藏。綸言九天下。規模未云遠。荒蕪良
可詫。自非賢邑宰。誰復此精舍。會當求敕賜。畢願老耕稼。
更與盡心期。臨流抗風榭。

元範尊兄示及十梅詩風格清新意寄深遠吟玩
累日欲和不能昨夕自白鹿玉澗歸偶得數語

江梅

大雪天地閉窮陰渺寒濱誰知江南信已昨明年春

嶺梅

梅花破萼時瘴雨吹成雪驛使忽相逢無言似愁絕

野梅

野風吹孤芳迥立正愁絕皂蓋莫徘徊堪看不堪折

早梅

霜風殊未高杖策荒園裏仙子別經年相看共驚喜

寒梅

白玉墜前樹風清月影殘無情三弄笛遙夜不勝寒

小梅

且喜梅花開莫嗔梅花小花小風味深此意君已了

疎梅

玉笛未黃昏冰灘已清淺疎影不勝妍愁心為誰遠

枯梅

繆枝卧龍蛇冷蘂綴冰雪千里故人心今年為誰折予家
居時

劉五甫
此枝為贈折

落梅

花開已淒涼花落更愁寂來歲煙雨時為君和鼎實

賦梅

君欲賦梅花梅花若為賦繞樹百千回句在無言處

觀梅小集以齋禁不得奉陪因寄小詩

梅花年後欲離披。恰是先生變食時。送與西樓一尊酒。諸君莫負可憐枝。

无範別後寄惠佳篇清叟次韻見示格律俱高詠歎不置因亦用韻寫呈二兄聊發一笑

故人別我去一月曠音驛。今朝得新詩開卷意已適。知君到里門征騎聊一息。行復啟天閣從容正朝幘。自今九霄路不復兩塵隔。容與日華東翱翔。禁扉北。回頭五峰下。寂漠笑孤客。不賦歸去來。心形謾相役。

右呈无範

五十行過二雙鬢。颯秋草平生素心人。誰與共茲抱。今年廬山下。得子恨不早。歲月幸同庚。詩書復同道。唯應山南先雲母。夜堪擣。獨生有先期。迴崖詎難到。丹經不我誑。白髮頰一掃。看公鬚眉蒼。杖鉞督征討。

次卜掌書落成白鹿佳句

堂營舊館喜初成。要共群賢聽鹿鳴。三爵何妨奠蘋藻。一編詎敢議明誠。深源定自閑中得。妙用元從樂處生。莫問無窮菴外事。此心聊與此山盟。

白鹿講會次卜丈韻

宮墻蕪沒幾經年。祇有寒煙鏤澗泉。結屋幸容追舊觀。題名未許續遺編。請為洞主不報青雲白石聊同趣 謂西澗 霽月光風更別傳。謂瀨溪 珍重箇中無限樂。諸郎莫苦羨騰鶩。

再用前韻示諸同遊

幽卧寒巖不記年。飽看山月聽風泉。舒憂正得琴三疊。玩意惟憑易一編。誤落塵中乖夙尚。却思洞裏付真傳。封章倘幸天從欲。便解銅符謝繫鞶。

次韻四十叔父白鹿之作

誅茅結屋想前賢，千載遺蹤尚宛然。故作軒窓挹蒼翠，要
將絃誦答潺湲。諸郎有志須精學，老子無能但欲眠。多少
箇中名教樂，莫談空語莫求仙。

送四十叔父

吾家從昔號清門，叔父于今道更尊。客路艱難空自惜，遺
經終始向誰論。獨尋雲嶠逢孤姪，共愛春江接故園。細說
刈葵休放手，此來真不爲盤餐。

伏蒙秘閣張文龍顧下邑，并以長篇爲貺，降歎之
餘，牽勉繼韻，仰求斤削，僭率皇恐。

向來滅迹東山東，閉門不問烏雌雄。門前有路向塵土，兩
足未舉心先慵。當時亦有車馬客，此意欲說嗟誰同。窮者

復追仲蔚篤論，何必須劉龔。平生故人，子張子，相思安
得長相從。每勞書疏問生死，坐想星宿羅心胷。幾年持節
漢水上，木牛流馬旌旗紅。君王輟饋思頗牧，外庸且訖來
朝宗。因能過我紫霄下，後乘載得珠簾櫳。蒼顏白髮應笑
我，曷不飽卧陶窻風。開樽鵝池水，清澈下馬醮。石烟空濛
須臾路轉山更好，摩天巨刃排雙峰。少看銀河忽倒掛，直
欲跳下清冷中。南臨匯澤共指點，縹緲貝闕浮珠宮。公言
平日愛登覽，到此一洗群山空。坐間爲我出奇句，不用遠
寄南飛鴻。上言雲泉足奇賞，下歎契闊歡相逢。紛吾失脚
墮世網，乃有此會寧天窮。流光過眼驚昨夢，舊約回首羞
塵容。明朝却上煙艇去，滅沒萬頃追鳧翁。

和張彥輔初到南康之句

十年不共賦陽春。正有胷中萬斛塵。天喜清詩還入手。細看佳句轉驚人。知公近覺青山好。顧我頻嗟白髮新。肯過寒齋共尊酒。向來心事請深陳。

奉同都運直閣張丈哭敬夫張兄張丈有詩敢次元韻悲悼之極情見乎詞伏幸采覽二首

秀翁威略憺華戎。遺恨車書久未同。喜有象賢堪嗣事。故知鴻業自無窮。蕃宣合奏三年最。風采俄驚一旦空。根本平生有深計。遺書不但子囊忠。

不應世道即漂淪。何事今年失此人。禮樂端能懷益友。琴

瑟恐遽樂嘉賓。亦知遊好曾通譜。却記登臨喚卜隣。兩首

悲詩數行淚。感傷那復鬪清新。張丈垂顧。滴聞計。音為。能。郡宴敬夫向嘗約。嘉。能。湖之上。蓋相語。於。張公臺上云。

秘閣張丈簡寂之篇韻高難繼別賦五字以謝來
賦

勞農會稽宅。息駕丹无鄉。丹无不可見。翠壁空雲房。是時中春月。暄風發新陽。白水注幽壑。綠樹敷崇岡。俯聽足怡悅。仰觀共徜徉。班坐得瑤草。傾壺出瓊漿。長吟遊仙詩。亂以招隱章。忽忽林景西。躊躇申慨慷。坐上江海客。兀傲鬚眉蒼。逸氣邁霄漢。英詞吐琳琅。思與泉石勝。韻隨笙鶴翔。追遊不敢及。咏歎可能忘。俗傳歸宗是王右軍故宅。陸脩靜封丹无真人。

和張秀輔落星寺之作

嵌空竒石戰驚濤。樓殿崢嶸勢自高。四面真成開玉鑑。三山應是失金鰲。題詩正爾難搜句。舉酒何妨共作豪。倚遍欄干更愁絕。歸來白盡鬢邊毛。

和張彥輔白鹿洞之作

遂谷新華館風煙再吐吞舊眠聞野鹿遺恨響驚猿此從君少室乃共賞忻同趣分携愴別魂徘徊空日夕無被徵故有此句策駐行軒

次張彥輔西原之作

無處堪投跡空山寄一椽懸門窺絕壁繚徑上層巔檻閣吞江浪窓虛響谷泉丹經閑自讀不為學神仙

次張彥輔卧龍之作

瀑水源何處高疑雲漢通瀉時垂練直落處古潭空客寄詩能好龍蟠意自雄知君來峴首為我說隆中

次張彥輔棲賢之作

融冶何年事停杯莫問天祇今從痼疾疇昔似因緣頽耳

三峽撥天湧九淵蘭亭那得此猶足致群賢

和張彥輔雪後棲賢之作

夜來春雪遍林丘却喜風威曉便收好上籃輿閑縱目莫將衲被苦蒙頭微官正愧逍遙社勝日猶堪汗漫遊欲出林關戀瑤草不妨尊酒更淹留

謝張彥輔留別之作

一別屢更歲思君無已時知君亦念我相望平兩嗟客我病卧田間君行護疆陲隱顯既殊跡會合安可期今年定何年有此一段奇我來五峰陽君歸九江湄聞君肯來辱歡喜不自持迎君紫霄峰舉觴白鵝池強健初共欣艱棘旋相悲相顧出危涕薄言首東岐留連十日飲愴恨八哀詩散懷水石幽遂忘筋力疲雄篇既鼎來逸韻方窮追云

胡邊告别牙。薰風披披攬袂。不得留酌酒前致辭。願君酌
此觴。去上白玉墀。國論罄忠益。廟謨參設施。一請正紀綱。
再請誅羗夷。及時樹勲業。慰我空山飢。時聞張荆州計張
丈有詩哭之故有
入哀之句

奉答張彥輔戲贈之句

已驅送客車。復著登山屐。未論窺臨快。且脫詩酒厄。從今
謹出入。保此頤正吉。不柰歲寒心。於公有深憶。王輔嗣注
頤卦大象
云禍從口出
病從口入

奉答張彥輔解朝

康俗遺居萬疊山。高垂鐵鎖詎容攀。青鞋布鞵非公事。古
木寒泉要我閑。

伏蒙某官寵示和陶見寄舊作伏讀歎仰又感

待期許之意。蓋非一日。竊易次韻。少見謝臆。伏惟
矜憐。有以教之。

善公抱經濟。軒冕非所欣。向來清禁闕。本自山林人。浩歌
歸去來。神交邈何因。一朝脫冠去。妙境聊同臻。謂予雖後
來。臭味亦有聞。賡詞文見屬。重以告語勤。荒寒想高風。令
人思無鄰。甘棠矧在此。躑躅晴湖濱。

贈于盛二生

昔日豐城劍。寒光射斗牛。江山餘秀傑。人物尚風流。二妙
今安匹。孤帆各倦游。還家問師友。折節慕前修。

秋日告病齋居。奉懷黃子厚劉平父及山間諸兄
友

出山今幾時。忽忽歲再秋。江湖豈不求。我興終悠悠。况復

逢旱魃農畝無餘收赤子亦何辜黃屋勞深憂而我忝朝
寄政荒積憊尤懷痾卧空閣惻愴增綢繆東南望故山上
有玄煙浮平生采芝侶寂寞今焉儔朝游雲峰巔夕宿寒
巖幽爲我泛瑤瑟冷然發清謳裂牋寄晨風問我君何求
洪濤揆君柁狹破權君輶君還若不早無乃非良謀再拜
謝故人低徊更包羞桂華幸未歇去矣從君游

夜坐有感

秋堂天氣清坐久寒露滴幽獨不自憐茲心竟誰識讀書
久已懶理郡更無術獨有憂世心寒燈共蕭瑟

讀諸友遊山詩卷不容盡和和首尾兩篇

去年尋得李家山考一真成屋數間要與青衿時散帙閑
歸澗止觀瀾詩書本說人間事勲業休看鏡裏顏誰識

新詩題罷籬痕斑

雨來結友尋名山下窮絕壑高危顛胡爲一旦墮羶網五
老在望心茫然青牛底處有行迹白鹿幾時同正員清遊
帶雨想幽絕妙處只恐詩中傳

戲贈勝私老友

槐花黃盡不關渠老向功名意自踈乞得山田三百畝青
燈徹夜課農書勝私先侍講嘗著農書三卷

代勝私下一轉語

碓下泉鳴溜決渠屋頭桑樹綠扶踈朱虛正自知田事馬
服何妨讀父書

和戴主簿韻

平生本自好樓居况接高人求晝餘共喜江山入尊俎從

教幕府省文書感君肯出新詩句恨我終思舊草廬擬借
韋編訂龍馬免推納甲話蟾蜍戴嘗有麻衣易說自以爲得之異人云

次沈侍郎游楞伽李氏山房韻

喜陪後騎陟崔嵬竹裏泉鳴古寺開吟罷蘇仙頭白句天
風更送好詩來

天聰已許一言悟年少懸知萬卷開珍重當時讀書處低
回空有後人來

奉同尤廷之提舉廬山雜詠十四篇

白鹿洞書院在邵城東北十五里事見記文

昔人讀書地町疇白鹿場世道有升降茲焉更表章矧今
中興年治具一以張絃歌獨不嗣山水無輝光荒榛適剪
除聖謨已汪洋亦有皇華使肯來登此堂問俗良懇惻

增慨慷雅歌有餘韻絕學何能忘

折桂院黃雲觀在書院東北五里院後竹亭取李

城中東北望五老何蒼蒼下有前朝寺一原頗深藏門前

林澗幽屋後雲木荒閑窻亦明索著此瑞錦張僧房有香花更

能理枯筇步上林北岡仰視天宇闊俯瞰江流長即黃受

書彼何人姓字不足詳竹帛有遺臭桂樹徒芬芳李逢吉嘗讀書

此院去而登第以故得名

楞伽院李氏山房在折桂西十里李公擇讀書處

躡石循急澗穿林度重岡俛入幽谷邃仰見竒峰蒼李公

英妙年讀書此雲房一去上臺閣致身何慨慷蘇公記藏

書文字有耿光餘事亦騷雅戲墨仍風霜兩公不歸來歲

月忽已荒何用建遺烈寒泉薦孤芳

棲賢院三峽橋在橋西五里

兩岸蒼壁對直下成斗絕一水從中來湧瀉知幾折石梁
據其會迎望遠明滅倏至走長蛟捷來翻素雪聲雄萬霹
靂勢倒千端嶼足掉不自持竟驚詎堪說老仙有妙句千
古擅奇崛尚想化鶴來乘流弄明月

西澗清淨退菴在棲賢西三里劉疑之舊隱
作亭取黃太史詩語名之

凌兢度三峽窈窕復一原絕壁擁蒼翠奔流逝潏潏聞昔
避世人寄此茅三間壯節未云遠高風香難攀深尋得遺
壚縛屋臨清灣坐晚寒木杪飛泉闕雲關茲游非昔遊累
解身復閑保此清淨退當歌不能護解印後與友生
遊集徘徊久之

卧龍菴武侯祠在西澗
西三里

空山龍卧處蒼峭神所鑿下有寒潭幽上有明河落戰

在名小築寄幽壑求念千載入丹心豈今昨英姿儼
凜若九原作寒蕙薦芳馨飛泉奉明酌公來識此意顧
步慘不樂抱膝一長吟神交付冥漠

萬杉寺在卧龍
西十里

林沐聊命駕駕言何所之行尋慶雲寺想像昭陵時門前
杉徑深屋後杉色奇空山歲年晚鬱鬱凌寒姿當年雨露
恩千載有餘滋匠石不敢晚孤標儼相持寺前後杉萬本
皆天聖中植有
旨禁剪
伐者
更啓石室藏仰瞻天像垂願以清淨化求為太平
基寺藏仁祖御飛
白書有清淨字

開先漱玉亭在萬杉西二里亭
舊在橋上今廢

奇哉康山陽雙劍屹對起上有橫飛雲下有瀑布水崩騰
復璀璨佳麗更雄偉勢從三梁外影落明湖裏平生兩仙

句詠嘆深仰止。三年落星灣。悵望眼空昧。今朝隨杖屨。得此弄清泚。更誦玉虹篇。塵襟諒昭洗。

簡寂觀

在開先西五里

高士昔遺世。築室蒼崖陰。朝真石壇峻。煉藥古井深。結交五柳翁。屢賞無絃琴。相携白蓮渚。一笑傾夙心。晚歲更市朝。故山鎖雲岑。柴車竟不返。鸞鶴空遺音。備靜晚為宋明帝召至建康卒 **詩崇** 我來千載餘。舊事不可尋。四顧但絕壁。苦竹寒蕭慘。相傳竹是備靜手植其前即所謂甜苦翁者

歸宗寺

在簡寂西十里

金輪紫霄上。寶界鸞溪邊。往昔王內史。願香有餘煙。相傳是石軍 千年今一歸。景物還依然。澗水既蕩滌。山花亦清鮮。不辭勞瘁樂。此實從賢訪古共。紆鬱勞農獨勤。 是日事不

勝跡裂殘碑。真詮逃禪公。勿遽且畢區。中緣 是日事不

陶公醉石歸去來館

在簡寂西五里

予生千載後。尚友千載前。每尋高士傳。獨嘆淵明賢。及此逢醉石。謂言公所眠。况復巖壑古。縹緲藏風煙。仰看喬木陰。俯聽橫飛泉。景物自清絕。優游可忘年。結廬倚蒼峭。舉觴酌潺湲。臨風一長歎。亂以歸來篇。

温湯

在醉石南二里

連山西南來。中斷還崛起。干霄幾千仞。據地三百里。飛峰上靈秀。衆壑下清美。逮茲勢力窮。猶能出奇偉。誰燃丹黃燄。爨此玉池水。客來爭解帶。萬劫付一洗。當年謝康樂。絃絕今已矣。水碧復流温。相思五湖裏。康樂湖中詩云水碧流温豈未見此水

耶也

康王谷水簾

谷口景德觀在温湯西十五里入谷又十五里至簾下

循山西北驚崎嶇幾經立。前行荒蹊斷豁見清溪流。一涉臺殿古再涉川原幽。縈紆復屢度乃得寒巖陬。飛泉天上來一落散不收。披崖日璀璨噴壑風颼颼。追薪爨絕品淪茗澆窮愁。敬酌古陸子何年復來游。陸鴻漸茶經第一水為天下第一

落星寺

在郡城南湖中

浩浩長江水東逝無停波。及此一回薄湖平烟浪多。孤嶼屹中川層臺起周阿。晨望愛明滅夕遊驚蕩磨。極目青冥茫回瞻碧嵯峨。不復車馬迹唯聞榜人歌。我願辭世紛茲焉老漁叢會有滄浪子鳴舫夜相過。

潤月十一日月中坐彭蠡門喚船與諸人共載

湖至隄首回棹入西灣還分韻賦詩約來晚復

詩不至者浮以太白

簽判渺教授空知縣望吳學錄杜掌儀明大彭兄蘭判官

擊南公一小彭兄湖涉忠人直卿余公度擊敬直懷備父天竺流晦翁光泰兒美棹方

解組無多日歸哉喜欲狂。臨風成邂逅載月下滄浪。酌酒樽清影鳴橈擊素光。它年隔千里此夜莫相忘。

和林擇之黃雲之句兼簡同遊諸兄

登覽日云晏歸車眇重岡。天風振余旒夕露沾我裳。數子情未厭春山杳茫茫。還瞻長江白迥眺飛雲黃。當念塵中友心期邈相望。無為跨鴻鵠決起凌青蒼。

和彭蠡月夜汎舟落星湖

長占烟波弄明月。此心久矣從誰說。只今一舸漾中流。上下天光兩奇絕。回頭忽見西郭門。尚喜蘇仙有遺烈。問予

陳信壽

何事却回船。塵土浣君頭。上雪首句全用蘇養直詩蘇舊居水西門外舟行望見其

薰罷官觀。東王谷水簾。夜飲山月軒。分韻得主字。奉別送行諸君

嗟余老不才。記憶謝明主。昇茲山水郡。北邙通玄府。一官再温涼。十日九塵土。迨茲解章綬。絕境方快覩。殷勤故人厚。追送崖寺古。把酒聽鳴泉。相看淚如雨。

游天池

三年落星渚。北望天池山。臨風幾浩嘆。欲往無飛翰。今朝復何朝。陟此青雲端。高尋已奇絕。俯瞰何其寬。西窮灑溪原。東盡溢城關。渺然滄波外。淮山碧連環。我意殊未極。更思出塵寰。何當駕輕鴻。八表須臾間。視此長江水。滔滔滙

遷

觀野燈

飛螢腐草尋常事。作底茲山獨耀芒。須信地靈資物化。金膏隨處發明光。

山北紀行十二章章八句

祇役廬山陽。矯首廬山陰。雲峰不可覲。碧澗何由尋。昨朝解印章。結友同窺臨。盡彼巖壑勝。滿茲仁知心。予以閏月龍郡是夕出城宿羅漢二十八日宿白鹿二十九日登黃雲觀度三峽窺玉淵憇西澗飲西原宿卧龍四月一日過開先宿歸宗二日浴湯泉入康王谷觀水簾宿景德觀三日與清江劉清之子澄水嘉張揚卿清叟得陽王阮南翁未慶長武常和真卿師忠溫陵長兼善仲達廬陵許子春景陽新安胡莘尹仲建安王朝春卿長樂余隅占之陳士直老忠黃餘季直臨淮張老先致遠會稽僧志南明老俱行窺臨事若何請從圓通說。逶迤山門路。悄悄脩篁列。溪

陳信鴻

仍侯家名屋是孱王設何救黍離歌喟焉傷覆轍地名侯

溪本侯氏所居李後主取以為寺無它奇但門經竹木深茂可觀耳行逢石門雨解驂寒澗

東朝濟錦繡谷俯仰春真濛懸泉忽淙琤雜樹紛青紅屢

懋小亭古幽探思無窮石門澗正在天池山下有小菴三

山道錦繡谷再過小橋皆一疎身長林端策足層崖表仰

瞻空界闊俯歎塵寰小天池西欽峯佛手東窈窕杖履往

復來憑軒瞰歸鳥盡錦繡谷登山稍高無復林木坡陀而

水不竭東過佛手巖石室嵌空中有井泉僧緣崖結架以居下臨錦繡谷又有石榻名遠公講經臺斯須暮

雲合白日無餘暉金波從地湧寶燄穿林飛僧言自雄誇

俗駭無因依安知本地靈發見隨天機天池院西數步有

是遊人請燈處僧云燈非構不見是日不禱而光景明滅頃刻異狀諸生或疑其妄予謂僧言則妄而此光不可誣

證地氣之深尋兩林間清波貫華屋蓮社有遺蹤草堂殊

樂脩廊餘故刻好醜雜珉玉亦復記經行深慙後人

皆自下山至東西林兩寺相去不百步一溪清駛橫貫其石行軒復東驚桐城當晚遊胡然冠蓋集不盡心期幽夜

酒然亦非其正處矣是日題名屬寺僧刻於咸通莊田記

厭百谷喧且失千峰稠出門有遺恨回首空綢繆晚至太

官唐九天使者祠也江州教授翁名卿載酒肴與乃奇云誰究終始曩遠亦何人神君豈其鬼東西妄采獲

鄉人游應和歐景文及其諸生二十餘人皆至誣謫共恢詭百世踵謬訛彝倫日頽圯東林慧遠雜取孔

嘗著沙門不敬王者論唐明皇自言親見使者降於殿庭因立此宮而羣臣造為妖妄以迎合者甚眾本朝仍賜官

額神號云以茲遊覽富翻令懷抱傷誰哉可告語舉俗昏

且狂乾坤有真心日月垂休光茫茫宇宙內此柄孰主張

北度石塘橋西訪瀟溪宅喬木無遺株虛堂唯四壁疎曠

陳信馬

德容醉。跪薦寒流碧。幸矣有斯人。渾淪再開闢。平生勞仰
止。今日登此堂。願以圖象意。質之中几傍。先生寂無言。賤
子涕泗滂。神聽儻不遺。惠我思無疆。六日拜濂溪先生書
堂遺像于澄請為諸
生說太極圖義先生之曾孫王卿彦
卯亥孫綽為設食于光風霽月之亭明晨江磯寺。尊酒聊
對設。孰是十日遊。遽成千里別。英僚樹嘉政。素友厲孤節。
努力莫相忘。清宵共明月。七日薛洪壽志王仲傑之才
還軍于澄許張歸廬陵南鄉龜父還家釋
之湖南予與王余陳黃東度湖口而歸

卷第七

壽客舍 月向月上 歸未得一作身

分韻賦簡寂 迥矚一作矚 誰復一作誰

嶺梅 似愁一作愁 愁絕一作幽絕

野梅 風吹一作破 愁絕一作幽絕

小梅 莫嗟一作莫 愁絕一作幽絕

疎梅 不勝一作不成 逢孤一作孤

送四十叔父 獨尋一作獨 逢孤一作孤

秘閣張丈長篇 饋思一作饋

和張彥輔 失喜一作喜

奉同張丈哭敬夫 喚卜一作要

和白鹿洞 再吐一作自吐

次接賢韻

融冶融一作結

傾耳傾一作耳

和陶次韻

吾公吳公一作

樓賢院三峽橋

脩至脩一作起

長蛟長一作蛟

盪湯

據地環一作地

山北紀行

嶽峯嶽一作峯

孰是云一作是

朱文公文集卷第八

詩

買船至演平拜建康劉公墓下遂入城假館梅山

堂感涕有作

維舟新曆口步上秣陵阡高丘忽嗟峨宿草迷荒烟拜起
淚再滴哀哉不能言驅車且復東借此虛堂眠念昔堂中
人經營幾何年一旦舍之去千秋不言還露并益清潔風
林更修鮮思公獨不見涕下如奔川感慨西州門愴恨山
陽篇晤嘆日隱樹悲歌月當軒堂堂忠孝心終古諒弗諉
尚與吳門子歸來故山巔

晚雨涼甚偶得小詩請問遊山之日并請劉平父
作主人二首

陳信寫

幾年不踏仙洲路。夢入青藤古木間。好趁新秋一番雨。晝
寒亭下弄潺湲。
廬阜歸來抵短筇。解包茶茗粗能供。若須載酒邀賓客。付
與屏山七老翁。

宿密菴分韻賦詩得衣字

不到仙洲歲月移。携壺特地歎巖扉。已驚素雪清人骨。更
喜蒼烟染客衣。新賞不妨頻徙倚。舊題何事獨嗔噉。明朝
驛騎黃塵裏。莫待迷塗始賦歸。

讀子厚步月詩時方聞呂伯恭訃後數日賦此

晚步曲池上。西風吹我裳。仰觀天宇闊。愛此明月光。念我
素心人。眇焉天一方。沒者永乖隔。存者為參商。飄零百歲
別。寂寞幽巖霜。還坐三太息。高林鬱蒼蒼。

次子厚秋懷韻

秋風何方來。為我滌殘暑。庭梧亦何與。索索終夜雨。冥思
感物變。念此離索苦。浩蕩信莫量。幽紛那得覩。丁年舍我
去。憔悴故其所。廓落濟時心。頽然復安取。求懷平生友。夢
見眉宇。今晨枉秀句。爛若朝霞舉。去去同采芝。高軒坐
凝佇。

黎嶺西南水石佳處不減廬阜戲呈子厚

谷深石瘦水潺潺。便是楞伽折桂間。珍重下邳圯上客。一
年幾度到廬山。

讀子厚詩卷用其卒章晨起之韻作詩寄之

晝永倦殘暑。宵分喜新涼。天雞一振翼。爛爛曉月光。病榻
感虛徐。中庭起翱翔。懷哉穀城子。物外又不忙。掩抑琴調

希激烈歌聲長契闊恨清賞佳期未渠央緘詞託歸鳥側
佇何能忘

登廬峰二首

循礪躋危磴披雲得勝遊蓬茅增舊葺竹樹喜新稠夢想
三秋別徘徊十日留餘年端可料此地欲長休
佳友紛來集欣然會宿心風泉陪徙倚雲月共窺臨雅唱
情俱勝微言思獨深茲遊非逸豫邂逅得良箴

蘆峰次韻

澗水流千仞巖姿起萬般扶藜雖有興駐屐諒難安好客
飽屣趣羣峰肯縱觀蒼茫却無際誰與話愁端

次瑞泉詩韻

曠來賞趣對景却忘言偶與同遊客行逢幽澗原

積石噴竇溢流湲終待寒泉食無憂水鏡昏

五禽言和王仲衡尚書

胡蘆沽美酒春風浩蕩吹花柳不用沙頭雙玉瓶鳥歌
鱗舞為君壽祇今醉是君恩昨日之愁愁殺人

不如歸去孤城越絕三春暮故山只在白雲間望極雲深
不知處不如歸去不如歸千仞岡頭一振衣

泥滑滑泥滑滑秦望雲荒鏡湖闊綠秧刺水水拍堤牙旗
畫舸凌風發使君行樂三江頭泥滑水深君莫憂

脫袴脫袴桑葉陰陰墻下路回頭忽憶舍中妻去年已逐
它人去舊袴脫了却不辭新袴知教阿誰做

麥熟吟去年種麥有德音祇今種熟誰快活種者已卧官
墻陰仁公有政惠存歿肯使催租更墮突

酬黃子厚見訪歸途惠詩韻

橙驥倦千里籠鶴思九臯念音田舍日不知山林高一朝
逢世紛故立得潛逃平生棲遁志茲焉始堅牢故人穀城
翁高情北窻陶亦復喜我歸巾車款林巢申旦更離閣中
情重切切

游密菴分韻賦詩得清字

誤落塵中歲序驚歸來猶幸此身輕便將舊友尋山去更
喜新詩取意成暖翠乍看渾欲滴寒流重聽不勝清箇中
有趣無人會琴罷尊空月四更

游密菴得空字

欲覓仙洲路須乘萬里風飲泉雲出岫卧嶺月流空永夜
無寐悲歌莫與同起來殘樹影清絕小樓東

昨為許進之書胎仙字因以名其室或疑欠舞
者故作此以解之

寒山寒月冷颼颼隻影孤桐萬里遊帝樂夢回三疊遠胎
仙舞罷一簾秋未愁悄寂無人會只恐踟躕不自休却笑
蕊珠何處所兩忘蝴蝶與莊周

正月五日欲用斜川故事結客載酒過伯休新居
風雨不果二月五日始克踐約坐間以陶公卒章
二十字分韻喜得中字賦呈諸同遊者

玄景彫暮節青陽變暄風忽尋斜川句感此勝日逢駕言
當出遊一寫浩蕩曾雲物疑異候凄迷久連空今朝復何
朝頓覺芳景融疇曩庶復踐隣曲歡來同伊雅一籃輿連
翩數枝筇綠野生遠思清川照衰容遙瞻西山足突兀彌

畝官庭宇豁清曠林園鬱青葱於焉一道透芳樽間鳴桐
既爵日樹隱班荆汀草豐纖鱗動微波新美冠幽叢惆悵
景易晏徘徊思無窮願書今日懷遠寄柴桑翁仰止固窮
節愧茲百年中

次呂季克東堂九詠

野塘小隱

傳得希夷九卦圖歸來不復夢榮途野塘竟日無人到讀
盡床頭種樹書

敬義堂

高臺巨榜意何如住此知非小丈夫浩氣擴充無內外肯
誇心月夜同孤

方拙寮

一室歸來萬事新
新翠間橫竹掛朝紳九流未讓園機士四

海寧慙巧宦人

吟哦室

蒲團竹几睡曹騰客問君今幾折肱身世兩忘無可答起
尋詩句遶階行

愛蓮

聞道移根玉井旁開花十丈是尋常月明露冷無人見獨
為先生引興長

月臺

臺上無人伴苦吟歸鴉過盡日西沉須臾玉匣開塵鏡却
有孤光共此心

菜畦

菜畦

雨餘菜甲翠光勻。把菊成畦亦自春。骨相定知非食肉。可
能長伴箇中人。

海棠屏

蜀樹成行翠作圍。花開時節更芳菲。主人夢亦尋春去。柳
絮深穿錦障飛。

摘堤

君家池上幾時栽。千樹玲瓏亦富哉。荷盡菊殘秋欲老。一
年佳處眼中來。

挽吳給事三首

臺省傾群望。江湖去一蹇。語聞三諫切。政有百年思。不盡
雲龍會。還尋霧豹期。誰知七休詠。翻入八哀詩。
粵自辭神武。超然絕世紛。前身疏大傅。今日范忠文。

西月湖波冷浸雲。懸知千載下此地。想遺芬。

昔觀風寄登堂。識老成忘年見。交態把酒話詩情。別去
如三歲書來忽九京。却思憑檻語。忍遽勒公銘。

伏讀雲臺壁間秘閣郎中盤谷傳丈題詩。蓋及賤
名。追懷曩昔。不勝感涕。輒次元韻呈諸同遊。計亦
同此歎也。

提携當日忝忘年。曾向瑕丘獨請前。喜看玄雲生素壁。恍
疑後學廁先賢。公遊汗漫今何許。我病摧頹久自憐。只有
空山無歲月。倚天寒木但蒼然。
是日景仁景初二兄行親
宅亦宿山間謹并錄呈
龍耳

次韻寄題萬頃寒光奉呈休齋先生

閑將歲月老煙汀。更遣詩情到杳冥。遊子故應悲舊國。壯

懷那肯泣新亭。一官避世今頭白。萬卷收功久汗青。但見
潮生與潮落。不知沉醉又還醒。

真伏蒙休齋先生惠詩見留謹次高韻二首

忽驚蕭颯鬢毛秋。起向泉山覓舊遊。盤谷門前淡沾臆。雲
臺溪上雪蒙頭。歸歟吾黨又千里。老矣心期但一丘。珍重
休齋書滿室。可無三宿爲君留。
望望西山日幾回。更憐一雨洗浮埃。遠遊莫說雲門寺。往
事聊尋單父臺。維犬蕭疎迷洞口。交親零落半巖隈。尊前
見在君須鬪。速上籃輿相逐來。

用林擇之韻別陳休齋

別離不覺歲時侵。兩地相望共此心。今日還成一尊酒。官
年應記百篇吟。傷情後會無期定。握手交情有舊深。多謝

知此意不催寒日下疎林

奉酬九日東峰道人溥公見贈之作

幾年回首夢雲關。此日重來兩鬢斑。點檢梁間新歲月。招
呼臺上舊溪山。三生漫說終無據。萬法由來本自閑。一笑
夷郎又相惱。新詩不落語言間。

和林擇之鳳凰山韻

木落髻鬟擁湖平。粧鏡空荒亡餘舊事慘澹。只悲風興發
千山裏。詩成一笑中。諸君莫惆悵。吾道固當窮。

次林擇之涼峰韻

解纜林間寺。歸鴉晚欲盤。望中嵐翠合。愁外夕陽殘。尊酒
何妨盡。羈心且自寬。無端滿窓月。遙夜不勝寒。

素去溫陵二十七年而復來顯菴蓋老見候七里

亭又以佳句見招而休齋陳丈寺丞黃丈皆屬和
焉因次韻奉酬併呈二丈

不因辭吏役那得解天刑故國重來遠寒山依舊青興懷
感陳迹舉目愴新亭尚喜灣頭老禪房許扣齋

答黃叔張

日君趨玉陛抗疏肅邦刑便有榮褒袞無勞涕伏青衆流
爭靡靡一柱獨亭亭只恐追鋒急那容畫旆旂

次韻陳休齋蓮華峰之作

八石天開勢絕攀筭來未似此心頑已吞繚白紫青外依
舊箇中雲夢寬

次黃叔張宿涼峰韻

雲苔含耐天外秀婆娑散影月中孤惜無畫手追前

涼峰戲藏圖

至鳳凰山再作

門前寒水青銅闕林外晴峰紫帽孤記得南垞通柳浪依
稀全是輞川圖

見梅用攀字韻

年來羞把玉梅攀萬樹爭春我獨頑只有顛狂無告訴詩
腸欲斷酒腸寬

次韻陳休齋懷古堂

平昔塵編裏心期本自幽那堪舊泉石更作此追遊好句
看猶在遺忠愴已休亦知今日意不逐大江流

寄題九日山廟然亭

昨遊九日山散髮巖上石仰看天宇近俯歎塵境窄歸來

今幾時夢想掛蒼壁。聞公結茅地。恍復記疇昔。年隨流水
逝事與浮雲失了。知廓然處。初不從外得。遙憐植杖翁。雙
骨雙眼碧。未敵月明中秋風。桂花白。

用林擇之韻呈陳福公

昔公秉鈞衡金玉我王度。中年幾湖海。偃息安國步。歸然
九鼎重。翩若孤雲去。俯仰天地間。誰哉此同趣。

用前韻答方直甫

小儒談大方。任意略權度。未行要疾走。踉蹌不成步。唯應
過量人。不作與麼去。請君敝書帷。爲我說歸趣。

用前韻答林史君

十年劇傾馳。此日際風度。胡然龔黃最。未接夔龍步。詩成
處。林客醉那得去。却恐驛書來。湖山適成趣。

題君子亭

清晨坐武觀。涼風動高旌。挾弓一笑起。屈此四座英。破的
亦已屢穿楊。詎云精軍吏。不敢賀高鳥。時相驚解韉。脫決
遂緩帶。飄華纓。俯仰新亭幽。曠然塵慮清。內正外自直。三
揖奚所爭。端居得深玩。君子非虛名。

伏承侍郎使君垂示。所與少傅國公唱酬西湖佳

句。謹次高韻聊發一笑。二首

百年地闢有奇功。創見猶驚鶴髮翁。共喜安車迎國老。更
傳佳句走郵童。閑來且看潮頭入。樂事寧憂酒釐空。會見
台星與卿月。交光齊照廣寒宮。

越王城下水融融。此樂從今與衆同。滿眼菱荷方未日。轉
頭未黍便西風。湖光盡處天容闊。潮信來時海氣通。酬唱

不誇風物好一心憂國願年豐

伏承子直都督侍郎臨餞遠郊仍邀嚴州郎中及諸名勝相與燕集分韻賦詩素得時字輒成鄙句

芳歲倏云晏故山風雪時胡為在中路復此行遲遲為有賢主人愛客情依依昨夕西門道終宴不能辭今朝復何朝祖帳遙相追賓從俱俊賢車馬有光輝敞扉得華觀俯檻臨清池南州淑氣多蕩節佳景隨雪樹雖改色青山正含姿朱氏園外谷中有梅近百株是日花落已盡開樽酌春醪授簡哦新詩但覺四坐驩不知寸晷移流雲暗寒空蒼煙染人衣相看暮色至我去公當歸別袖不忍分扣扣陳苦詞願公崇令德愈我渴與飢

臘月九日晚發懷安公父教授壽翁知丞載酒

別而无禮景嵩子木樨之廷老考叔舜民諸賢相與同舟乘使風頃刻數十里江空月明飲酒樂甚因以星垂平野闊月湧大江流分韻素得星字醉中別去乃得數語略紀一時之勝云

掛帆望煙渚整棹別津亭風水已云便我行安得停離樽枉羣賢濁醪愧先傾二公屬船未至談笑不知遠但覺江流清潮所不及水益清駛獵獵耳旛洲茫茫白沙汀斯須復回首祇有遯山青其蘇白沙兩地名相去十里頃刻而過野色一以暝川光晶孤明中流漾華月極浦涵疎星酒酣客散歸茫然獨宵征起視天宇闊此身一浮萍難追五湖遊未願王闔醒且詠招隱作孤舟轉玲峴

伏蒙制置閣學侍郎示及致政少傅相公送行長

句并得竊窺酬和佳篇伏讀之餘不勝慰幸謹次

高韻少見愚悃以餞車塵伏惟采矚二首

公子威名動海濱四年相與愧情親忽聞黃鉞分全蜀更

祝彤庭列九賓公以上執手便驚成契闊贈言還喜和陽

春政成但祝歸來早別恨無端莫重陳

地兼梁益盛中權自昔疇咨出萬全定喜封章來活國故

煩伏軾去籌邊上公賜手札褒諭軍民傳詔歡聲溢婦女

迎門巧笑妍要答君恩與人望可無清教逮初筵諸葛武侯初領

益州牧發教與羣下曰夫參署者集眾思廣忠益也若遠

小嫌難相違覆闕損矣違覆而得中猶棄敝蹄而獲珠

玉然人心若不能盡惟徐元直處茲不惑又董幼宰參署

七年事有不至至于十反來相啓告苟能慕元直之十一

幼宰之勤渠有忠於國則亮可以少過矣又曰昔初交州

平屢聞得失後交元直勤見啓告前參事於幼宰每言必

盡後從事於惟度數有諫止雖資性鄙暗不能盡納

然與四子終始好合亦足以明其不疑於直言矣

伏讀致政少傅相公送趙成都佳句兩篇不勝

幸已次高韻并餞其行而再賦此章以見區區瞻

仰之意繕錄拜呈伏乞采覽二首

歸來寂莫卧漳濱夢想威容阻再親綠野遙聞花欲語赤

書還喜鴈來賓閑中有句人爭誦妙處無心物自春行馬

不因吾輩設胷竒猶得話陳陳

一旦高辭將相權身名從此慶雙全人誇迹已風塵外誰

道心遊日月邊未許前賢專晚節更將餘事發春妍君王

若要詢黃髮便好臨雍促肆筵

送彥集之官瀘陽

急景彫暮節高風振空林病夫掩關卧長謠擁孤衾聞君

千里行四牡方駸駸重此別離感青天欲愁陰君行豈不

勞民瘼亦已深。催科處處急。椎鑿年年侵。君行寬彼毗。足
以慰我心。薦書會滿篋。社酒還同斟。所念家同產。與君如
瑟琴。茲焉不並駕。宰木寒蕭摻。尚喜吾諸甥。男恭女知欽。
明朝復相憶。悵望楚山岑。

次劉正之芙蓉韻三首

淺綠深紅出短籬。望中都是可憐枝。要看亂颭寒塘水。更
待金風滿意吹。

凌波直欲渡橫塘。却愛無人獨自芳。且倚新漪閑照影。更
憑女伴一扶將。

微吟澤畔幾扶筇。自笑摧頽一秃翁。羞見芙蓉好顏色。且
急詩律傲西風。

梅庵先生朱文公文集卷第八

定異

晚雨涼甚

賓客一作賓去

付與一作分付

吟我室

兩忘一作相忘

休齊惠詩次韻

忽驚蕭颯一作家不覺還

老矣一作老去

珍重

見說

三宿一作三日

望望一作張望

遠游

勝游

蕭疎迷一作涼悲

見在一作有酒

速上

好上

逐來一作趁來

至鳳凰山再作

銅關一作銅關

次韻懷古堂

已休一作未休

寄題廓然亭

俯歎一作俯視

用擇之韻呈福公

誰哉一作懷哉

次韻芙蓉

扶筇一作扶筇

朱子大全

朱子大全

十一

陳信鴻

先生朱公文集卷第九

詩

石馬斜川之集分韻賦詩得燈字

跋歲風日好出門欣得朋復招里中彥及此雲間僧行行
涉清波斯亭一來登徙倚綠樹蔭摩娑蒼石稜送瞻原野
春仰視天宇澄一水既紆鬱群山正峻嶒時禽悅新陽潛
魚躍輕冰却念去年日俯仰愁予膺長吟斜川詩日落寒
烟凝暝色變晴景清尊照華燈頽頽感川徂稚蔭歡年增
酒盡不能起朱欄各深凭

游石馬以駕言出遊分韻賦詩得出字

抱病守窮廬閉戶常罕出坐見春氣深清陰晝蒙密今朝
積雨過淑景回煦律不有塵外蹤何由散愁寂行行整巾

卷九

文集卷九

一

陳信焉

卷九

文集卷九

三

龍壽刊

後散漫委書帙野逕自縈紆前峰似昔翠婆娑茂樹下左
右寒流汨亂石翳蒼根於焉憇腰膝追遊固才彥逢遇亦
奇逸招邀愧深情晤言永茲日君有尊中物我進洲上瑟
日夕不得留餘歡未云畢

三月晦日與諸兄為真率之約徘徊石馬晚集保
福偶成短句奉呈聊發一笑

春服明朝換晴川漲綠陰追隨皆勝侶邂逅即初心社蹟
莓苔古禪扉竹樹深移尊真惜日異景共披襟儉德遵賢
範哇詞愧雅音清和應更好逸想寄雲岑是日約後會
為仙洲之遊
比與鄰曲諸賢修舉歲事携壺石馬追補斜川之
遊而公濟適至飲罷首出和陶之句以紀其勝輒
亦用韻酬答兼呈諸同遊者請共賦之

天分四序代謝無時休昔人抱孤念感此成清遊
城阜朗詠斜川流歲月今幾許長波沒輕鷗眷言撫佳
荒尋靡遺丘且復置往事及茲命高儔縱策聊並歡飛
觥起相酬未知千載下亦記此日不商歌有遺音林樂無
絲憂但得長如此吾生復何求

行視武夷精舍作

神山九折溪泝此中半水深波浪闊浮綠春渙渙武夷
九曲多急流亂石此第五曲上有蒼石屏百仞聳雄觀
巖露垠堦突兀倚霄漢此峯夷止削下按地峭立如
峯夷止削下按地峭立如淺麓
下縈迴深林久叢灌胡然闕千載逮此開一坦峯下小山
重復中有
平地數十丈喬木長藤茂林俯仰交相蔽隱舊無人迹
乾道中丑予舟過而樂之及今始能一築以購曩志我
乘新村船輟棹青草岸榛莽喜誅鉏面勢窮考按居然一

環堵妙處豈輪奐左右轟奇峯躊躇極佳玩以病不能來
至是送別山西始自新村買舟以來視所縛陸三間制度
殊草草然骨負大隱屏面直溪南大山左有湖王上昇峯
等石極爲雄勝是時芳節闌紅綠紛有爛好鳥時一鳴王
孫遠相喚爾猴暫遊意已愜獨往身猶絆珍重舍瑟入重
來足幽伴已約初夏與同志皆往遊集

武夷精舍雜詠 并序

武夷之溪東流凡九曲而第五曲爲最深蓋其山自北而
南者至此而盡聳全石爲一峯拔地千尺上小平處微戴
土生林木極蒼翠可玩而四墮稍下則反削而入如方屋
帽者舊經所謂大隱屏也屏下兩麓坡坳旁引還復相抱
抱中地平廣數畝抱外溪水隨山勢從西北來四曲折始
其南乃復繞山東北流亦四曲折而出溪流兩旁丹崖

翠壁林立環擁神剝鬼刻不可名狀舟行上下者方左右
瞻錯愕之不暇而忽得平岡長阜蒼藤茂木按術迤靡
綠葛蒙翳使人心目曠然以舒窈然以深若不可極者即
精舍之所在也直屏下兩麓相抱之中西南向爲屋三間
者仁智堂也堂左右兩室左曰隱求以待棲息右曰止宿
以延賓友左麓之外復前引而右抱中又自爲一塢因累
石以門之而命曰石門之塢別爲屋其中以俟學者之群
居而取學記相觀而善之義命之曰觀善之齋石門之西
少南又爲屋以居道流取道書真誥中語命之曰寒棲之
齋直觀善前山之顛爲亭回望大隱屏最正且盡取杜子
美詩語名以晚對其東出山背臨溪水因故基爲亭取胡
小語名以鐵笛說具本詩注中寒栖之外乃植援列樊以

斷兩麓之口掩以柴扉而以武夷精舍之扁揭焉經始於
淳熙癸卯之春其夏四月既望堂成而始來居之四方士
交來者亦甚衆莫不歎其佳勝而恨它屋之未具不可以
久留也釣磯茶竈皆在大隱屏西磯石上平在溪北岸竈
在溪中流巨石屹然可環坐八九人四面皆深水當中料
曰自然如竈可爨以瀹茗凡溪水九曲左右皆石壁無側
足之徑唯南山之南有蹊焉而精舍乃在溪北以故凡出
入乎此者非魚艇不濟總之爲賦小詩十有二篇以紀其
實若夫晦明昏旦之異候風烟草木之殊態以至於人物
之相率猿鳥之吟嘯則有一日之間恍惚萬變而不可窮
者同好之士其尚有以發於予所欲言而不及者乎哉

精舍

言四十年幾作山中客一日茅棟成居然我泉窟

仁智堂

我慙仁知心偶自愛山水蒼崖無古今碧澗日千里

隱求齋

屢窻林影開夜枕山泉響隱去復何求無言道心長

止宿寮

故人肯相尋共寄一茅宇山水爲留行無勞具雞黍

石門塢

朝開雲氣擁暮掩薜蘿深自笑晨門者那知孔氏心

觀善齋

負笈何方來今朝此同席日用無餘功相看俱努力

寒栖館

特問彼何人抱甕靡遺力。遙夜更不眠焚香坐看壁。

晚對亭

倚筇南山巔。卻立有晚對。蒼峭矗寒空。落日明影翠。

鐵笛亭

山前舊有亭。亭故侍郎。明仲嘗與山。之隱者劉君兼道遊涉而賦詩焉。劉少豪勇游俠。使氣晚更晦迹。自故山水之間。善吹鐵笛。有穿雲裂石之聲。胡公詩有更煩橫鐵笛吹海。衆仙聽之。向亭今廢。又一日。與客及道士數人。尋其故址。適有笛聲發於林外。悲壯回鬱。巖石皆震。追感舊事。因復作亭。以識其處。仍改今名。

何人轟鐵笛噴薄兩崖開。千載留餘響猶疑笙鶴來。

釣磯

削成蒼石稜。倒影寒潭碧。水日靜垂竿。茲心竟誰識。

茶竈

仙翁遺石竈。宛在水中央。飲罷方舟去。茶煙裊細香。

漁艇

出載長煙重。歸裝片月輕。千巖猿鶴友。愁絕棹歌聲。

次公濟精舍韻

一室空山裏。纖塵迥莫侵。若非同臭味。誰肯遠過臨。健策

凌丹壑。清詩動玉琴。溪邊一回首。平地足崎嶇。

奉同不濟諸兄自精舍來集冲佑之歲寒軒因邀

諸羽客同飲不濟有詩贈守元章師因次其韻

蓬萊清淺今幾年。武夷突兀還蒼然。但忻丹籍有期運。不

悟翠壁無寅緣。鼎中龍虎應浪語。紙上交彖非真傳。明朝

猿叫三峽路。一葉徑上滄浪船。

出山道中口占

川原紅綠一時新。暮雨朝晴更可人。書冊埋頭無了日。不

信寫

如拋却去尋春

淳熙甲辰中春精舍間居戲作武夷權歌十首呈

諸同遊相與一笑

武夷山上有仙靈山下寒流曲曲清欲識箇中奇絕處權歌閑聽兩三聲

一曲溪邊上釣船幔亭峯影蘸晴川虹橋一斷無消息萬壑千巖鎖翠煙

二曲亭亭玉女峰插花臨水爲誰容道人不復荒臺夢興入前山翠幾重

三曲君看架壑船不知停櫂幾何年桑田海水今如許泡沫風燈敢自憐

四曲東西兩石巖巖花垂露碧檻墜金雞斗罷無人見月

清空山水滿潭

五曲山高雲氣深長時烟雨暗平林林間有客無人識歎乃聲中萬古心

六曲蒼屏透碧灣茅茨終日掩柴關客來倚櫂巖花落猿鳥不驚春意閑

七曲移船上碧灘隱屏仙掌更回看人言此處無佳景只有石堂空翠寒

此詩後二句一本作却憐昨夜峯頭雨添得飛泉幾道寒

八曲風烟勢欲開鼓樓巖下水滌洞莫言此處無佳景自是遊人不上來

九曲將窮眼豁然桑麻雨露見平川漁郎更覓桃源路除是人間別有天

伏蒙致政少傅相公寵賜寄題武夷精舍詩一首

李

李

李

李

拜受捧讀不勝仰歎無以自見區區感幸之誠輒
繼高韻繕寫拜呈冒瀆威尊下情恐悚之至

望斷鈞天白玉都石田茅屋詎應無况蒙一字榮褒袞使

覺千峰勝畫圖舊弼詩情高綠野狂奴心事只風雲蒲輪

幾日符嘉夢恰有流霞酒一壺舊弼公所居坊名取答語
語也嘉送嘗夢公起召在

臨止飲留宿翌日登車手取几間活人書一帙以行意者
公當再施醫國之手以活斯人乎李義山武夷詩有流霞
酒一杯

劉子澄遠寄羊裘且有懷仁輔義之語戲成兩絕

為謝以發千里一笑

短棹長蓑九曲灘晚來閑弄釣魚竿幾回欲過前灣去却

怕斜風特地寒

誰把羊裘與醉披故人心事不相違在奴今夜知何處月

風凄未肯歸

過蓋竹作二首

二月春風特地寒江樓獨自倚欄干箇中詎有行藏意且

把前峰細數看

浩蕩鷗盟久未寒征驂聊此駐江干何時買得魚船就乞

與人閒畫裏看

送建陽陳丞相厚還鄉

枯蒼雲壑入秋夢閩嶺風霜侵鬢絲歲晚未收稽古力徑

荒曾擬賦歸辭一官坎壈嗟丞負百歲歡榮慶母慈去步

凌迤無愠色此心惟有古人知

拜鴻慶宮有感

舊京原廟久煙塵白髮祠官感慨新北望千門空引籍不

李

李

李

李

知何日去朝真

答袁機仲論啓蒙

忽然半夜一聲雷，萬戶千門次第開。若識無心含有象，許君親見伏羲來。

半夜一本作平地

觀林長仕書卷戲題問答

猿去山空鶴亦飛，柴門空掩釣魚磯。門前樹葉都黃了，何事幽人久不歸。

為愛雲泉百尺飛，故將茅屋傍苔磯。幾年清夢黃塵裏，此日秋風一棹歸。

題嚴居厚溪莊圖

平生生涯一短篷，只今回首畫圖中。平章箇裏無窮事，莫道三山老放翁。

謂陸務觀時嚴居厚之官詞中

擬蘇補以蟲鳴秋詩

天籟誰為主，乘時各自鳴。如分百蟲響，來助九秋清。未敢吟風調，先催泣露聲。乾坤闢氛氣，草木斂華英。易斷愁人夢，難安懶婦驚。唯應庚戌子，萬感不關情。

古語云：終緯鳴，懶婦驚。見詩疏。

挽蔡太博

疇昔相逢地，知君意矯強。旋聞將使指，勁節動朝行。方為人材喜，相期事業長。如何遽不淑，未及鬢毛蒼。

乙卯八月晦日浮翠亭次叔通韻

弱植有孤念，獨住窮名山。那知歲月逝，白首塵埃間。今朝定何朝，憑高睨清灣。羣賢亦戾止，共此一日閑。晤言不知渡，林昏鳥飛還。勝踐可無紀，重來諒非艱。留語巖上石，毋使門常關。

用丘手服弟韻呈儲行之明府伯玉車丈及坐上諸友

我是溪山舊主人歸來魚鳥便相親一盃與爾同生死萬事從渠更故新

謹次縣大夫見屬之韻

撫摩凋瘵為心切摹寫風煙著語親只願從今更無倦清詩美政逐年新

承事車丈置酒白雲山居飲餞致政儲丈叔通因出佳句諸公皆和素輒亦繼韻聊發坐中一笑

一本作白雲寺送儲伯玉

老去讀書秋樹根山林兒女定誰尊偶緣送客來僧寺却披雲卧石門物外祇今成跌蕩人間何處不秋喧一杯

為陽關盡雙目從教別淚昏東坡賦徐禧山舊居有一為兒女洗始覺山林尊之

丙辰正月三日贈彭世昌歸山

象山聞說是君開雲木參天瀑響雷好去山頭且堅坐等閑莫要下山來

和人都試之韻

儲胥聞道落初成共喜兒郎意氣生初恨雨聲迷疊鼓忽驚晴色動高旌盤牟入詠詩情壯破的傳觴酒令明縱使齋儒東鄉坐不妨堂上有奇兵

聚星落成致政陳丈舉酒屬客出示新詩而仲卿朝瑞及劉范二兄相與繼作素幸以下鄰得陪勝

集率爾次韻聊發一笑

道親德範仰循循。遠喜名章肆筆成。賸說臺高今勝昔。極知星聚暗還明。當家翰藻爭春麗。上客詞源徹底清。更共鄰翁閑指點。千峰環合水無聲。

謹次陳昭遠丈龍洲鄉社高韻并呈諸兄友

幾年社酒醉班荆。此日祠壇喜落成。誤許俗書輕染汙。急傳佳語頌登平。年豐已荷天垂慶。人傑還欣地炳靈。不信鄰村是塵境。請看綠水鎖紅亭。

懷潭溪舊居

憶住潭溪四十年。好峰無數列窓前。雖非水抱山環地。却是冬溫夏冷天。遠舍扶疎千箇竹。傍崖寒冽一泓泉。誰及美計東遷繆。憶卧西窓日滿川。

甘澤應祈一蘇焦槁皆昭遠致政宣義丈及仲卿

諸友晝夜精虔不出道場之力而昭遠丈惠詩及以見屬非所敢當輒依高韻和呈以見鄙懷并簡同社諸兄友

精禱由來未浹辰。如何嘉澍便適臻。誠通幽隱知無間。喜動龍天信有因。適歎倏焚千畝盡。忽驚滂潤一時均。誰云化育流行妙。只屬乾坤不屬人。

奉題李老中所藏俞侯墨戲

不是胃中飽立壑。誰能筆下吐雲煙。故應祇有王摩詰。解寫離騷極目天。

題劉志夫嚴唐厚瀟湘詩卷後

瀟湘門外水如天。說著令人意慘然。試問登高能賦客。箇中何似汨羅淵。

余南遊不能過湘山但見人說魚州門外泊船處風物令人愁味知信否因覽此卷

詩以

聞蛙

兩樞盛怒鬪春池。羣吠同聲徹曉帷。等是一場狼藉事。更無人與問官私。

延平水南天慶觀夜作

石樓雲卧對江城。城角吟霜未夜清。料得南枝正愁絕。不堪聞此斷腸聲。

墨梅

夢裏清江醉墨香。寒枝瘦凜冰霜如今白。黑渾沐閣且作人間時世裝。

秋華四首

木芙蓉

芳曉露濃綠樹秋風冷。共喜巧回春不妨。閑弄影

蕙 古所謂蕙乃今之零陵香今之蕙不知起於何時也

今花得古名。旖旎香更好。適意欲忘言。塵編詎能考

木犀

喬木生夏涼。芳蕤散秋馥。未覺歲時寒。扶疎方遶屋

菊

青蓋冒珍叢。幽姿含曉露。政爾破荒寒。詎免傷遲暮

晦翁足疾得程道人鍼之而愈戲贈此詩

十載扶行恃短筇。一鍼相值有奇功。出門放步人爭看。不

是前來勃率翁

戲答揚庭秀問訊離騷之句二首

昔誦離騷夜扣舷。江湖滿地水浮天。只今擁鼻寒窗底。爛

宋

文集卷九

十一

陳信

却沙頭月一船

春到寒河百草生馬蹄香動楚江聲不甘強借三峰面且

為靈均佛法不怖欄却禪家語也杜蘅一名馬蹄作杜蘅本草辨偽藥云細辛則杜蘅水浸令直

三峯謂華陰也

孝宗皇帝挽歌詞

皇陵發引詔許近臣進挽歌辭肅恭惟盛德大

業不易形容方將據竭鄙意以效萬一其搜連

日纔得四語而忽被閱勞之詔罷遣東歸遂不

敢成章以進杜門累年每竊私恨戊午之春大

病瀕死默念平生仰孤恩遇無路補報感激涕

泗不能自已謹因舊篇續成十有六韻略叙本

末以見孤臣亡狀死不忘君之意云伏願之本

一傳心妙文明撫運昌乾坤歸獨御日月要重光不值

亡胡歲何由復漢疆遽移丹極仗便上白雲鄉九有哀同

切孤臣淚特滂詎因逢日曾得廁周行但憶彤墀引頓

趨黼坐旁袞華叨假寵編素識通喪似有鹽梅契還嗟貝

錦傷戴盆驚委照增秩待行香手疏摠丹悃衡程發皂囊

神心應斗轉巽令亟風揚未答隆儒厚俄聞脫蹤忙此生

知永已沒世恨空長內難開新主遄歸立右廂因山方慘

澹去國又愴惶疾病今如許形骸可自量報恩寧復日忍

死續殘章

詩送碧崖并叔懷游廬阜兼簡白鹿山長吳兄唐

卿及諸耆舊三首

羗廬不見幾經年一話清遊一悵然此日送君憑問訊千

陳信卿

峰影裏舊潺湲

知君掛席下清江未見香爐意已降直上新泉得雄觀便
將傑句寫長杠

遺君蹤跡莽荆榛曾把詩書為作新今日總輸吳季子枕
流漱石自由身

諸人已致書者此不復及此外更有陳勝私在九疊
屏下田舍彭師范在隔江都昌縣界中皆勝七也趙
南紀病卧城中不知今能出入否叔懷皆可為一訪
致辭意不敏輒以為跡相汗染也山間勝處皆有前
賢題詠可尋獨新泉近出最名殊勝非三峽漱石所
及而余未之見故詩中特言之黃石巖絕高而漱石
之原眼界特曠遠余嘗一詣而不能及近聞故吏張
生棄家居之其勇猛精進老守蓋有愧焉叔懷儻至
其處試為物色頗有問之為佳

丘子服來訪道間得古梅折以為贈劉叔通江文
卿俱來各有佳句因各次韻為答三首

花枝橫出數花新誰寄寒齋雪夜春江路猶應有幽伴極

恐難得賞心人 用子服韻

獨樹臨孤岸橫枝放淺花不須煩驛使正耐雪斜斜

西湖居士尋詩處今墮軟紅車馬塵半樹橫枝空好在只

應無地覓高人

用子服韻謝水僊花

水中僊子來何處翠袖黃冠白玉英報道幽人被渠惱著

詩送與老難兄

引年得請伏蒙致政學士契丈特垂慶問寵以佳
篇捧玩之餘感愧亡量輒借高韻少見謝誠伏幸
笑盭

一氣無私物自繁放臣偏荷主恩寬方慙妄竊老夫號詎

敢重簪博士冠身退未妨閑養病年豐何幸且偷安新篇
似許參同社願刺仙舟上釣灘賈生鵬賦大鈎擣物史記
作鈎繫猶轉也義與擣同

蒙恩許遂休致陳昭遠丈以詩見賀已和答之復
賦一首

闌干首簪久空槃未覺清羸帶眼寬老去光華姦黨籍向
來羞辱侍臣冠極知此道無終否且喜閑身得暫安漢祚
中天那可料明年太歲又滂滂昆難建隆庚申距今已未
年十歲時先君慨然語晝曰太祖受命至今百八十年
矣歎息久之銘佩先訓於今甲子又復一周而衰病零落
終無以少塞臣子之責因和此詩并
記其語以示兒輩為之愼然感涕云

已未九日千服老弟及仲宣諸友載酒見過坐關
居厚廟令出示佳句歎伏之餘次韻為謝并呈

社諸名勝

離菊斑斑半吐黃泚中又報紫萸香輞川有茱萸
非字與泚同癩成令
節秋還晚撩得高情老更狂載酒極知乖勝踐沾衣却免
美斜陽是日本約會於周園屬予
有故不果出因集予舍餘年只恐逢辰少吟罷
君詩引興長

奉和千服老弟黃楊游巖二詩

聞道黃楊山上頭千峰環抱百泉幽羨君拄杖年年去飽
看人間萬頃秋

游洲巖下水泠泠枕石何妨夢裏聽要與他年成故事謾
尋幽處著新亭

和劉叔通懷游子蒙之韻

扣角聽君悲復悲壯心未已欲何之交游半落立山外離

別備傷老大時尚喜淵潛容賈誼不須日飲教衰絲病餘

我羅子服乃今更為手寫此三詩考不知欲以何用晨起書龍欲記歲月方覺是庚申開基節日此亦難逢之會感歎更無慘賴勉為同懷一賦詩余素不能作唐律和韻尤非所長年來追逐殊覺牽

之久叔通老友探梅得句不鄙垂示且有頌客携壺之

約次韻為謝聊發一笑

迎霜破雪是寒梅何事今年獨晚開應為花神無意管故
煩我輩著詩催繁英未怕隨清角疎影誰憐蘸綠盃珍重
南鄰諸酒伴又尋江路覓香來

病中承子服老弟同居厚叔通居中居晦諸兄交
載酒見過子服有詩牽勉奉和并呈在席幸發一

笑

心期萬壑與千巖屢向君詩得指南父恨冷然孤宿諾偶

兀者便同參儻蒙大藥分金已豈羨奇方出玉函誰識
留連今夕意沉疴未散莫回驂子服數有詩言黃楊之勝未及往而得足疾故有兀

者之句是夕坐客皆以霜寒致亟歸因又有未後句云寄江文卿劉叔通

文卿句律如師律通叔詩情絕世情政使暮年窮到骨不
教吟出斷腸聲

詩人從古例多窮林下如今又兩翁應笑湖南老賓友兩
年吹落市塵中此戲子蒙恐落窮籍不便可發一笑也

我窮初不為能詩笑殺吹竽濫得癡莫向人前浪分雪世
間真偽有誰知此論薦平生流倖多類此云

梅

陳信齋

姑射仙人冰雪容塵心已共彩雲空年年一笑相逢處長
在愁煙若霧中

香茶供養黃蘗長老悟公故人之塔并以小詩見
意二首

擺手臨行一寄聲故應離合未忘情炷香淪茗知何處十
二峰前海月明

一別人間萬事空他年何處却相逢不須更話三生石紫
翠參天十二峰

庚申立春前一日

雪花寒送蠟梅萼暝生春歲晚江村路雲迷景更新

南城吳氏社倉書樓為余寫真如此因題其上
元庚申二月八日滄洲病叟朱熹仲晦文

已十年前把鏡回看一悵然履薄臨深諱無幾且
餘日付殘編

晦庵先生朱文公文集卷第九

考異

石馬用公濟和陶韻 飛觥一作飛觴

武夷精舍雜詠序 而出而去 丹崖一作丹壑

林立一作相羊 相羊一作相忘

白雲送諸柯 僧舍一作僧寺 祇今成一作懷常

無處不一作不 雙目從教別淚昏一作那因

小馬

和叔通懷子蒙韻

聽君劉一作

半數一作落

劉榮刊

不須日一作未

病餘我更無膠賴今一作我

甚摧頹

叔通探梅

繁英一作落英

珍重南鄰諸酒伴一作南鄰

多酒伴

又尋一作尋

病中承子服同諸兄友見過

宿諾一作往便同一作遂

儻蒙一作儻逢

方出一作和誰識留連今夕意一作

且幸親朋相援執

黃蘗悟公塔

擺手一作撒手

故應一作知



